

ანტიტერორისტული ოპერაცია ლაფანყურში

"ჩვენს მოქალაქეებს შეუძლიათ იყვნენ მშვიდად, იმიტომ, რომ დღეს, განსხვავებით ათი წლის წინანდელისგან, საქართველო არის სახელმწიფო, რომელსაც ჰყავს შეიარაღებული ძალები, პოლიცია, ხელისუფლება და საქართველო არის სახელმწიფო, რომელიც დაიცავს საკუთარი მოქალაქეების უსაფრთხოებას ნებისმიერ პირობებში. ამიტომ, რაც არ უნდა დიდი იყოს პრობლემა ან გამოწვევა, ჩვენს მოქალაქეებს შეუძლიათ იყვნენ მშვიდად. ქართული სახელმწიფო იცავდა და დაიცავს მათ უსაფრთხოებას", - ასე აფასებს პარლამენტის თავმჯდომარე დავით ბაქრაძე საქართველო-რუსეთის საზღვარზე გუშინ განვითარებულ მოვლენებს.

"საქართველო-რუსეთის საზღვარზე აყვანილი ყველა მძევალი გათავისუფლებულია, ლიკვირებულია 11 დივერსანტი", - ეს შინაგან საქმეთა სამინისტროს მიერ, გუშინ, დღის ბოლოს გავრცელებული ინფორმაციაა. გუშინვე გავრცელებული ინფორმაციით, დევნის ოპერაციისას დაიღუპა სპეცდანიშნულების რაზმის 3 თანამშრომელი და დაიჭრა ხუთი.

გაზრდილობა 80-3 გვერდი



მუსულმანთა სულიერი ლიდერის მკვლელობა დადესტანში

ვაჭაბიტთა შურისძიება თუ სპეცსამსახურების მიერ არეულობის პროვოცირების მცდელობა

სალომე ჯანიბეილი

ამოცნობილია თვითმკვლელი ტერორისტის ვინაობა, რომელმაც თავი აიფეთქა შენობის საიდ აფანდი აცავეის სახლში, დადესტანის სოფელ ჩირკეიში. ის ცნობილი იყო, აგრეთვე, საიდ აფანდი ალ-ჩირკავის სახელით. ამის შესახებ ინფორმაციას რესპუბლიკის სამართალდამცავი ორგანოები ავრცელებენ. შენობის საიდ აფანდი აცავეი იყო მუსულმანების ტრადიციული ფრთის - სუფიების ერთ-

ერთი ყველაზე გავლენიანი და პატივცემული სასულიერო ლიდერი დადესტანსა და მთელ ჩრდილოეთ კავკასიაში.

შეიხი სამშაბათს საღამოს, მზის ჩასვლამდე დაკრძალეს, როგორც ამას ისლამის წესები მოითხოვდა. დაღუპულთან გამოსამშვიდობებლად ათიათასობით ადამიანი მივიდა, მათ შორის იყვნენ ჩრდილოეთ კავკასიის ყველა რესპუბლიკის წარმომადგენლები.

გაზრდილობა 80-2 გვერდი

დებატები პრეზიდენტის კანდიდატებისთვის

მაგდა ლაქიაშვილი

"საზოგადოებრივი მათხრობები" წინასაარჩევნოდ პარტიების პრემიერ-მინისტრობის კანდიდატებს სადებატოდ ინვესტ. "მაუწყებლის" ეთერში სულ ორი დებატი გაიმართება, პირველი - 9 სექტემბერს კვალიფიციური საარჩევნო სუბიექტების პრემიერობის კანდიდატებს, ხოლო მეორე - 18 სექტემბერს ამავე პარტიების სიის პირველ ნომრებს შორის. როგორც "საზოგადოებრივი მათხრობების" გენერალური დირექტორი გია ჭანტურია ამ-

ბობს, დებატებში მონაწილეობის უფლება ოთხ პარტიას: "ერთიან ნაციონალურ მოძრაობას", კოალიცია "ქართულ ოცნებას", "ქრისტიან-დემოკრატიულ მოძრაობას" და "ლეიბორისტულ პარტიას" აქვს. დებატების ჩატარებაზე ოფიციალური შეტყობინება პარტიებს გუშინვე გადაეგზავნათ, რომელზე წერილობით დასტურსაც "საზოგადოებრივი მათხრობები" 4 სექტემბრამდე დაელოდება. დებატების მონაწილეობის ნინასწარ შეთანხმებული წესების მიხედვით წარმომართება. ტელედებატების წინა დღეს მონაწილე სუბიექტებს

შორის წილისყრა გაიმართება დასმულ შეკითხვებზე პასუხების გაცემის რეგისტრაციის დასადაგენად. თითოეულ მონაწილეს ყოველ კითხვაზე პასუხის გაცემის შემდეგ ეძლევა ერთი წუთი, რათა ოპონენტის პასუხზე კომენტარი გააკეთოს. იმ შემთხვევაში, თუ რომელიმე პარტიის წარმომადგენელი დებატების სხვა რომელიმე მონაწილეს სიტყვას გაანწყვეტინებს, მას საკუთარ გამოსვლის დროს ეს დრო დააკლდება. იგივე დრო დაემატება მას, ვისაც სიტყვას გაანწყვეტინებენ.

გაზრდილობა 80-2 გვერდი

მიტ რომნი კანდიდატად აირჩიეს, ოფიციალურად ხვალ დაასახელებენ

თამაზა ქახაძე

გუშინ ფლორიდის შტატში რესპუბლიკური პარტიის ყრილობა დაიწყო, სადაც მასაჩუსეტსის ყოფილიმა გუბერნატორმა მიტ რომნიმ ნოემბრის საპრეზიდენტო არჩევნებში კანდიდატად დასახელებისათვის დელეგატების ხმების საჭირო რაოდენობა მიიღო. ამერიკის პრეზიდენტობისათვის რესპუბლიკელი მიტ რომნი და დემოკრატი, ამერიკის მოქმედი პრეზიდენტი ბარაკ ობამა იბძობლებენ.




ყრილობაზე სიტყვით გამოვიდა კანდიდატის მეუღლე ენ რომნი

გაზრდილობა 80-4 გვერდი

1 აშშ დოლარი	1.6509*
1 ევრო	2.0682*
1 ინგლისური გირვანკა	2.6106*
1 თურქული ლირა	0.9177*
100 რუსული რუბლი	5.1801*
თბილისი	32°C - 20°C
ქუთაისი	27°C - 15°C
თელავი	32°C - 12°C
ზუგდიდი	26°C - 13°C
ბათუმი	24°C - 17°C
ნავთობი	3.12 -0.01 -0.28%
გაზი	2.67 +0.04 +1.46%
ოქრო	1,660.90 -8.80 -0.53%
ხორბალი	905.75 +30.25 +3.34%

"24 საათის" ელექტრონული ვერსია იხილეთ www.24saati.ge
ჩვენი პარტნიორები:



ISSN 1987 9121



კოკოშკოვი და ქართული ბრიფინგი

ზურაბ თალაქვაძე

მივედით იგორ კოკოშკოვის ბრიფინგზე. იგორი მშვიდი, გონიერი კაცია. ამერიკული ლიგის მშვიდი და გონიერი მწვრთნელი, რომელმაც ამ ციკლში ერთი თამაში წააგო. სამი მოიგო. საქართველოს ნაკრები ოთხი ტესტის

შემდეგ კომფორტულ სიტუაციაშია და თუ ჰოლანდიასთან წაგება ცოტა დაუგეგმავი იყო, ცოტა დაუგეგმავი იყო ბოსნიაში მოგებაც. ლატივისთან აქ უნდა მოგვეგო და ბაგაცისის შუთერებს გადავუჯოკოკეთ.

გაზრდილობა 80-7 გვერდი



(მარცხნიდან) დავით უსტაშვილი, იგორ კოკოშკოვი და კოტე ტულუში

BIAFF-ის ოფიციალური პროგრამა ცნობილია

ბათუმის კინოფესტივალის საპატიო სტუმარი ნური ბილჭე ჩელიანი იქნება

ნა ვეკვა

ჩვენი ქვეყნის მნიშვნელობით მეორე კინოფორუმი - ბათუმის საავტორო კინოს საერთაშორისო კინოფესტივალი წელს მეშვიდედ გაიმართება. ფესტივალი 16 სექტემბერს გაიხსნება და 23 სექტემბრამდე გასტანს. ამ დღეების განმავლობაში ფესტივალის სხვადასხვა სექციებში გადანიშნულ საკონკურსო თუ სპეციალური ჩვენებისთვის განკუთვნილ ფილმებს წარმოადგენს. გუშინ ბათუმში ფესტივალის პროგრამის პრეზენტაცია შედგა, რომელსაც საპატიო სტუმრების ჩამონათვალთან ერთად ქვემოთ გააცნობთ. წლევეანდელი ფესტივალის საკმაოდ მრავალფილმი-



ანი გახლავთ. სულ წარმოდგენილი იქნება 40 სრულმეტრაჟიანი მხატვრული და დოკუმენტური ფილმი და თითქმის ამდენივე მოკლემეტრაჟიანი ნამუშევარი, რომლებიც პირველობისთვის შესაბამის კონკურსებში

იბრძობლებენ. გარდა ამისა, დაგეგმილია მასტერკლასებისა და უორკშოპების სერია, რომლებსაც სპეციალურად მოწვეული სტუმრები ჩაატარებენ.

გაზრდილობა 80-5 გვერდი

ბათუმის მერმა თანამდებობა დატოვა

ბათუმის მერი რობერტ ჩხაიძე თანამდებობიდან საკუთარი განცხადების საფუძველზე გადადგა. ყოფილი მერის განცხადება გუმის ქალაქის საკრებულომ კენჭისყრის შედეგად დააკმაყოფილა. საინფორმაციო სააგენტო news.ge-ს ინფორმაციით, ბათუმის მერის მოვალეობას, სავარაუდოდ, ვიცე-მერი ჯემალ ანანიძე შეასრულებს. უფლებამოსილების შეწყვეტის მიზეზად არჩევნები სახელდება. რობერტ ჩხაიძე აჭარის უმაღლესი საბჭოს არჩევნებში აპირებს მონაწილეობის მიღებას.

განცხადება

ბოლო პერიოდში მასმედის, მათ შორის ინტერნეტ ტელევიზიის საშუალებებით გავრცელდა სხვადასხვა პოლიტიკური გაერთიანებების და ჯგუფების განცხადებები, ამ პოლიტიკური გაერთიანებების სასარგებლოდ საქართველოს ვეტერანთა ფედერაციის მხარდაჭერის თაობაზე.

აღნიშნულთან დაკავშირებით, ვეტერანთა ფედერაცია განმარტავს, რომ საქართველოს ვეტერანთა ფედერაცია წარმოადგენს არაპოლიტიკურ, არაკომერციულ არასამთავრობო გაერთიანებას და გამოირცხავს პოზიციის საჯაროდ დაფიქსირებას რომელიმე პოლიტიკური ორგანიზაციისა და ჯგუფის სასარგებლოდ, მითუმეტეს წინასაარჩევნო პერიოდში. შესაბამისად, გავრცელებული ინფორმაციები არ შეესაბამება რეალობას.

საქართველოს ვეტერანთა ფედერაცია პოლიტიკურ სუბიექტებს მოუწოდებს მომავალში თავი შეიკავონ მსგავსი განცხადებებისგან.

საქართველოს ვეტერანთა ფედერაცია, საქართველოს ვეტერანთა ომბუდსმენი

ძვირფასო მკითხველო



7 წლის ლუკა წულეისკირს, რომელიც დაავადებულია მწვავე ლიმფოიდური ლეიკემიით და ამჟამად გადის მკურნალობას ინტენსიური ქიმიოთერაპიის კურსით გერმანიაში, ქალაქ ფრაიბურგის საუნივერსიტეტო ბავშვთა კლინიკაში აუცილებლად ესაჭიროება ძვლის ტვინის ღეროვანი უჯრედების გადანერგვის გადაუდებელი ოპერაცია.

გთხოვთ, გულთან ახლოს მიიტანოთ პატარა ლუკას მდგომარეობა, გამოიჩინოთ გულისხმიერება და შესაძლებლობის ფარგლებში, **ნებისმიერი ოდენობის** (მცირეოდენი) შენატანებით დაგვეხმაროთ ოპერაციისთვის საჭირო თანხების შეგროვებაში.

საბანკო რეკვიზიტები:
ბანკის კოდი: **KSBGGE22**
ბანკის დასახელება: **კორ-სტანდარტ ბანკი**
ანგარიში: **GE19KSO00000360800511**
მიმღები: **ა(ა)იპ ლუკა წულეისკირის დახმარების ფონდი**

ასევე შესაძლებელია ჩარიცხვა განხორციელდეს ნებისმიერი მობილური ოპერატორის მეშვეობით (1 ზარის ღირებულებაა 1 ლარი) შემდეგ ნომერზე:

0 901 500 552

წინასწარ გიხდით დიდ მადლობას თქვენი თანადგომისა და დახმარებისთვის.

გამომცემლობა ინტელექტი ღრმა მსუბუქებით იუწყება, რომ გარდაიცვალა ცნობილი მეცნიერი და პედაგოგი, ეკონომიკის დოქტორი, პროფესორი

მურმან ტურავა

და სამძიმარს უცხადებს განსვენებულის ოჯახს.

მუსულმანთა სულიერი ღირსების მკვლელობა დაღესტანში

პირველი გავრცელება

შეიხის მკვლელობასთან დაკავშირებით დაღესტანში ოთხშაბათს გლოვა გამოაცხადეს. საიდ აფანდისთან ერთად დაიღუპა მისი ხუთი მიმდევარი. გავრცელებული ინფორმაციით, აფეთქების შედეგად ჭრილობები მრავალმა ადამიანმა მიიღო.

დაღესტნის სამართალდამცავი ორგანიზაციის განცხადებით, აფეთქება მახაჩყალის მცხოვრებმა, 30 წლის ამინატ ყურბანოვამ (ქალიშვილობის გვარი საპრიკინა) განახორციელა. ის წარმოშობით რუსია.

გავრცელებული ინფორმაციით, მან მიიღო მუსულმანობა და იყო და-ძმა ალიევის მცხოვრებელი, რომელთაც მახაჩყალის 2012 წლის 3 მაისს საგზაო პოლიციაზე თავდასხმის დროს ორმაგი აფეთქების ორგანიზატორებად მიიჩნევდნენ. ასევე გავრცელდა ინფორმაცია, რომ ყურბანოვა არის სპეცოპერაციის შედეგად დაღუპული მეზობლის ქვრივი და ის დაკავებული იყო თვითმკვლელი ქალების შერჩევად აღიარებით. სამართალდამცავებს ის უკვე საექსპორტო პირად მიანიჭდა, როგორც კი ცნობილი გახდა, რომ მახაჩყალის ინციდენტის შემდეგ "ის, შესაძლოა, მომზადებული ყოფილიყო, როგორც ტერორისტი თვითმკვლელი".

ტერაქტი მოხდა სამშაბათს, დაახლოებით, 16:50 საათზე, ყოველდღიური ქადაგების დროს. გავრცელებული ინფორმაციით, თვითმკვლელი მომლოცველის სახით შევიდა შეიხის სახლში, მიუახლოვდა შეიხს და თავი აიფეთქა. თვითმკვლელთან ერთად, ჯამში, კიდევ შეი-

დი ადამიანი დაიღუპა, მათ შორის, 12 წლის ბიჭიც, რომელიც მიღებულ ჭრილობებისგან სასწრაფო დახმარების მანქანაში გარდაიცვალა.

საიდ აფანდი იყო ავტორიტეტული მუსულმანი სწავლული, ის მიიჩნეოდა დაღესტნის ერთ-ერთ წამყვან სულიერ ლიდერად. 2007 წელს რესპუბლიკის სპეცსამსახურებმა გამოაცხადეს, რომ აღკვეთეს მისი მკვლელობის მცდელობა. საიდ აფანდი ალ ჩირკავი ლიად გამოხდა ვაჭაბიზმს.

ჩრდილოეთ კავკასიაში მუსულმანთა საკოორდინაციო ცენტრის თავმჯდომარემ ისმაელ ბერდიევმა მოკლული მოიხსენია, როგორც "ყველაზე პატივცემული კაცი მთელ ჩრდილოეთ კავკასიაში". ის იყო ლეთისმეტყველი, სწავლული, მის მრევლში მოხვედრებზე იღვწოდნენ კავკასიის მთელი რეგიონიდან. ის იყო ძალიან პატივსაცემი და გაველენიანი ადამიანი. ის ასწავლიდა, ამჟინებდა მორწმუნეებს, - განაცხადა ბერდიევმა. ასევე გავრცელდა ჩვენთვის მუსულმანთა ერთ-ერთი სულიერი წინამძღოლის განცხადება, რომლის ვინაობაც არ სახელდება. ის თავის განცხადებაში საუბრობს სულიერი ლიდერის მოკვლის მოტივებზე. "მე ვფიქრობ, რომ ეს ტერაქტი პირდაპირ კავშირშია მის პროფესიულ საქმიანობასთან. შეიხი ცნობილი იყო არამარტო თავისი ღია განცხადებებით, ექსტრემისტული იდეოლოგიების დაგმობით, არამედ იყო ერთ-ერთი მათგანი, რომელიც სახელმწიფოს და რელიგიურ ორგანიზაციებს თანამშრომლობისკენ მოუწოდებდა. ცხადია, რომ ვაჭაბიზმს ეს

პოზიცია არ მოსწონდათ." - განაცხადა ჩვენთვის სასულიერო პირმა.

ბოლო პერიოდის განმავლობაში ტრადიციული ისლამის მიმდევრებზე რუსეთში არა ერთი თავდასხმა განახორციელეს. ბოლო ასეთი შემთხვევა 19 ივლისს ყაზანში მოხდა, რომლის შედეგადაც დაშავდა თათრეთის მუსულმანი ილდუს ფაიზოვი, რეგიონის მუსულმანური სასულიერო ადმინისტრაციის სასწავლო ცენტრის ხელმძღვანელი ვალიულა იაკუბოვი კი მოკლეს. 2011 წელს თავად დაღესტანში მოხდა თეოლოგებისა და სასულიერო პირების მთელი რიგი მკვლელობები.

შეიხის სავსტანის მკვლელობამ დაღესტანში, შესაძლოა, ჯაჭვური რეაქცია გამოიწვიოს და დაძაბულობა მთელ ჩრდილოეთ კავკასიაზე გავრცელდეს. ასეთ ვარაუდს გამოთქვამენ ექსპერტები და აცხადებენ, რომ ახლა ყველაფერი დამოკიდებული იქნება ხელისუფლების თაობაზე - თუ როგორ მოიქცევა ის, შეძლებს თუ არა შეტაკებების თავიდან აცილებას.

თავიანთი სულიერი ლიდერის მკვლელობის გამო, ბევრი მისი მიმდევარი შურისძიებას გადაწყვიტეს და ხელისუფლება ამისთვის მზად უნდა იყოს. ამის შესახებ განცხადება გააკეთა მოსკოვის კარნევის ცენტრის ექსპერტმა ალექსეი მალაშენკომ. მან ხაზი გაუსვა, რომ დაღესტანი არის უმსხვილესი რესპუბლიკა მთელ ჩრდილოეთ კავკასიაში, ამიტომ დაღესტანიდან, შესაძლოა, მთელ რეგიონს მოედოს. ასეთ შემთხვევას იზიარებს პოლიტოლოგი ვლადიმერ ნოვიკოვიც. "არსებობს ასეთი ცნება: "შტკინენ-

ული ნერტილები" ან "განსაკუთრებული ნერტილები". კავკასია წარმოადგენს ერთ-ერთ ასეთ "განსაკუთრებულ ნერტილს" რუსეთში, არასტაბილურს. და ის, რომ ასეთი დესტაბილიზაცია ხდება ზუსტად ასეთ დროს და ზუსტად პრობლემურ რეგიონებში, როგორცაა ინგუშეთი და დაღესტანი - ამას შეუძლია, საკმაოდ მოკლევადიან პერსპექტივებში სერიოზული შედეგები გამოიწვიოს," - განაცხადა მან რადიოში საუბრისას.

საიდ აფანდის მკვლელობაში უმრავლესობა ვაჭაბიზმს ადანაშაულებს. მაგრამ რუსეთის ისლამური კომიტეტის თავმჯდომარის ჰაიდარ ჯემალის განცხადებით: "ბოლო დროს სუფიზმმა და სალავიტებმა დაახლოვეს პოზიციები, მათ შორის მიღწეულ იქნა გარკვეული შეთანხმებები. რადიკალების საიდ აფანდის მოშორების საფრთხი რომ ჰქონოდათ, ამას ადრე გააკეთებდნენ". ამასთან დაკავშირებით ჯემალ არ გამოირიცხავს, რომ შეიხის მკვლელობა, შესაძლოა, იყოს პროვოკაცია ძალადის სტრუქტურების ან იმ არაბული ექსტრემისტული ძალების მხრიდან, ვისაც უნდათ ჩრდილოეთ კავკასია რუსეთის მოვლიჯონ.

საიდ აფანდის მკვლელობა, საგამოძიებო კომიტეტის თანახმად, შეუფასდა არა როგორც "ტერაქტი", არამედ "მკვლელობა". ამ ფაქტზე საქმე აღიძრა, "მკვლელობის", "იარაღის უკანონო ბრუნვის", "იარაღის უკანონო გამოყენებისა" და "განზრახ მძიმე დაზიანებების მიყენების" ბრალდებით.

დეზატები პრემიერობის კანდიდატებისთვის

პირველი გავრცელება

ჭანტურისა თქმით, დეზატების მონაწილეები შეკითხვებს ერთი საათით ადრე გაეცნობიან და მოსამზადებლად დროც დარჩებათ. წამყვანთან ერთად სტუდიაში პრემიერობის კანდიდატები და სიის პირველი ნომრები მარტო, თანმხლები პირების გარეშე იქნებიან. დეზატებს "საზოგადოებრივი მაუწყებლის" ჟურნალისტი ეკა მიშველაძე წაიყვანს.

თითოეული მონაწილის შესავალი სიტყვისა და დასკვნითი გამოცხადების რიგითობა კენჭისყრით განაწყობს. მისასალმებელი სიტყვისთვის მონაწილეებს აქვთ 2-2 წუთი. ორი წუთია განსაზღვრული ასევე კითხვებზე პასუხის გასაცემად. პირველ შეკითხვას პასუხობს ნილისყრის მეორე ნომერი, მეორე შეკითხვას - მესამე და ა.შ.

კითხვები დეზატებისთვის სპეციალური ნუსით შეირჩევა, მათ საერთაშორისო კვლევითი ორგანიზაციების მიერ საქართველოში ჩატარებული სოციოლოგიური კვლევების შედეგად მოსახლეობის მიერ ყველაზე აქტუალურად მიჩნეულ თემატიკაზე ამოაჩვენენ. ამასთან, სპეციალურ მისამართზე - debate-bi@gpb.ge - კითხვების გაგზავნა მუდმივად ხელმისაწვდომია შექმნილია. დეზატებისას სულ სამ შეკითხვას დასვამენ.

"ერთ კონკრეტულ კანდიდატზე გათვლილი კითხვები არ გამოვადგება. კითხვები იქნება ისეთი, რომ ყველა კანდიდატმა თანაბარ პირობებში შეძლოს პასუხის გაცემა. პრიორიტეტი მიენიჭება იმ თემატიკას, რომელიც ბოლო ორი თვის მანძილზე გამოკითხვების მიხედვით ყველაზე აქტუალურია. კითხვების ფორმულირებას უზრუნავს მთელი მიერ გამოგზავნილი შეკითხვებიდან ავიღებთ. კითხვა უნდა იყოს ნეიტ-



რალური ყველა მონაწილისთვის, ხოლო თემატიკა - პრობლემატიური", - ამბობს გია ჭანტურია. მისივე თქმით, ზუსტი დრო, თუ რომელ საათზე იქნება დეზატები, გადაწყვეტილი არ არის, თუმცა ის აუცილებლად პიკის საათში ჩაჯდება. დეზატების ხანგრძლივობა, მაქსიმუმ, საათ-ნახევარი იქნება. ჭანტურია იმედოვნებს, რომ დეზატებში მონაწილე პოლიტიკური პარტიები, დიდი საზოგადოებრივი ინტერესიდან გამომდინარე, დეზატებს დათანხმდებიან და ამომრჩევლებს ინფორმირებული არჩევანის გაკეთების საშუალებას მისცემენ.

"ერთიანი ნაციონალური მოძრაობა" სატელევიზიო დეზატებში მონაწილეობას დათანხმდა. პარტიის სპიკერი ჩორა თაქთაქიშვილი ამბობს, რომ მისი გუნდის მიზანია, თავისუფალ და სამართლიან არჩევნებში გაიმარჯვონ. სწორედ ამიტომ მმართველმა გუნდმა პოლიტიკური ოპონენტები წინასაარჩევნო დეზატებში გამოიწვია, რომელიც მოქალაქეების მიერ ინფორმირებული არჩევანის გაკეთებას უზრუნველ-

ყოფს. თაქთაქიშვილის თქმით, "ერთიანი ნაციონალური მოძრაობიდან" დეზატებში მონაწილეობას პრემიერობის კანდიდატი ვანო მერაბიშვილი და საპარლამენტო სიის პირველი ნომერი დავით ბაქრაძე მიიღებენ.

"მოუწოდებთ ყველა პოლიტიკურ პარტიას, ვისთვისაც მნიშვნელოვანია სამართლიანი არჩევნების ჩატარება, პასუხისმგებლობით მოეკიდონ "მაუწყებლის" შემთავაზებას და დაეკმაყოფილონ საზოგადოების ფართო ინტერესი პოლიტიკურ პროცესებთან დაკავშირებით", - ამბობს ჩორა თაქთაქიშვილი. მისივე განცხადებით, მხარეებს საშუალება ექნებათ, მოსახლეობას საკუთარი პროგრამა წარუდგინონ და დაარწმუნონ იმაში, თუ რატომ უნდა მისცენ მათ ხმა.

კოალიცია "ქართული ოცნება" "საზოგადოებრივი მაუწყებლისგან" დეზატებში მონაწილეობის შეთავაზებას ოფიციალური წერილით ელოდება. "ოცნების" პრესსპიკერი მაია ფანჯიკიძე ამბობს, რომ წერილის კარგად გაცნობის შემდეგ მიი-

ღებენ გადაწყვეტილებას, ჩაერთვებიან თუ არა წინასაარჩევნო პოლიტიკურ დეზატებში. ფანჯიკიძე ამბობს, რომ საზოგადოებისთვის კარგადაა ცნობილი კოალიციისა და მისი ლიდერის ზინინი ივანიშვილის დამოკიდებულება დეზატებში მონაწილეობაზე. ძირითადი ცვლილებები კი ამ მხრივ არ იგეგმება. ივანიშვილმა რამდენიმე დღის წინ განაცხადა, რომ ის "ლიბერლისტებს" თან, "ქრისტიან-დემოკრატებს" და "ახალ მემარჯვენეებს" დეზატებში მხოლოდ მას შემდეგ დაჯდება, რაც ისინი აღიარებენ, რომ ხელისუფლებასთან შეკრული არიან და მათ ინტერესებს გამოხატავენ. რაც შეეხება "ნაციონალურ მოძრაობას", ივანიშვილმა განაცხადა, რომ ის დეზატებში პარტიის ლიდერს - მიხეილ სააკაშვილს იწვევს, თუმცა პარტიის სხვა წევრებთან სადებატოდ დაჯდომაზეც არ უთქვამს უარი.

დეზატებში მონაწილეობაზე თანხმობა უკვე განაცხადეს "ქრისტიან-დემოკრატიულ მოძრაობაშიც". პარტიის ერთ-ერთი ლიდერი ლევან ვეფხვაძე ამბობს, რომ მისი გუნდი მსგავს დეზატებში 2010 წლის ადგილობრივი არჩევნების დროს ერთხელ უკვე მონაწილეობდა. ვეფხვაძის თქმით, სწორედ დეზატები უწყობს ხელს მოქალაქეების მხრიდან ინფორმირებული არჩევანის გაკეთებას.

"დეზატები არის ერთ-ერთი ძირითადი საშუალება იმისთვის, რომ ადამიანებმა იცოდნენ, რას უჭერენ მხარს. ასევე, თვალნათლივ დაინახონ სხვაობა კონკრეტული პოლიტიკური ლიდერების კონკრეტულ პროგრამებს შორის. ჩვენ ამაში მივიღებთ მონაწილეობას, რადან დეზატები, პირველ რიგში, ამომრჩევლისთვის იქნება სასარგებლო", - ამბობს "24 საათის" საუბარში ლევან ვეფხვაძე.

გაზეთი "24 საათი" გამომცემელი შპს "მზა". რედაქტორ-გამომცემელი:

გამუშაა ვანუაშვილი, პაატა ვეპუაძე.

რედაქცია: სოფიკო ჩხაიძე (მთავარი რედაქტორი), რედაქტორები: მაია ჭალაგანიძე (საზოგადოება, Weekend), ინგა ალავიძე (სამართალი), დავით ნინიკაშვილი (ბიზნესი), ივა შილაკაძე (უცხოეთი) სოფო კილაშონია (რევიუ), კახა ფაქუაშვილი (სპორტი). რეკლამის და მარკეტინგის მენეჯერი ირაკლი ლუცუაძე. ტელ: 899 22 09 49. ელ.ფოსტა: m24@24hours.ge

ანტიტერორისტული ოპერაცია ლაფანყურში

პირველი ვაჭარიდან

ლოპოტას ხეობაში, თელავის რაიონის სოფელ ლაფანყურში მიმდინარე მოვლენების შესახებ ჯერ კიდევ გუშინდელი ვიანა ღამით გავრცელდა ინფორმაცია, რომლის თანახმადაც, საქართველო-რუსეთის საზღვრის დაღესტნის მონაკვეთზე, შეიარაღებულმა ჯგუფმა რამდენიმე ადგილობრივი მცხოვრები გაიტაცა. გუშინ დღითივე ცნობილი გახდა, რომ დაღესტნის მონაკვეთთან, მძევლების გასათავისუფლებლად, შეიარაღებული ჯგუფის დევნის ოპერაცია მიმდინარეობდა. თელავში, კახეთის სამხარეო პოლიციის შენობაში საგანგებო თავთბირი ჩატარდა. თავთბირს პრემიერ-მინისტრი ვანო მერაბიშვილი ხელმძღვანელობდა და მას შინაგან საქმეთა, იუსტიციისა და თავდაცვის მინისტრები ესწრებოდნენ. მათ ვანო მერაბიშვილს საქართველო-რუსეთის საზღვართან მიმდინარე დევნის ოპერაციის შესახებ დეტალური ინფორმაცია მიანდეს და მისგან სპეციალური დავალებები მიიღეს. "საქართველოს მოქალაქეთა უსაფრთხოების უზრუნველსაყოფად ყველა ზომა მიღებულია. შსს-ს ქვედანაყოფებს ლოპოტას ხეობა ბლოკირებული აქვთ. მიმდინარეობს ანტიტერორისტული ოპერაცია შეიარაღებული დაჯგუფების გაუვნებელიყოფის მიზნით. პრემიერ-მინისტრის ხელმძღვანელობით, შექმნილია კრიზისების მართვის შტაბი, რომელშიც შედიცის შინაგან საქმეთა, იუსტიციისა და თავდაცვის სამინისტროები. შემუშავებულია უწყებათაშორისი კოორდინირებული მოქმედების გეგმა, რომელსაც ახორციელებს შინაგან საქმეთა სამინისტრო. სოფელ ლაფანყურში მიმდინარე სპეცოპერაცია მძევალთა ჯგუფის გათავისუფლებას უკავშირდება," - ასეთი იყო ოფიციალური ინფორმაცია.

მთელი დღის განმავლობაში, ქართული მედიასაშუალებებით ვრცელდებოდა ცნობები დამატებითი სამხედრო ძალების, პოლიციელების დამატებითი ქვედანაყოფების, სასწრაფო სამედიცინო დახმარებისა და კატასტროფის ბრიგადების სოფელ ლაფანყურში შესვლა-გამოსვლის თაობაზე. თუმცა, ზუსტი მონაცემები დაჭრილებისა და დაღუპულების შესახებ, კარგა ხნის განმავლობაში გაურკვეველი იყო. ცნობილი გახდა ისიც, რომ დაღესტნიდან საქართველოში გადმოსულ შეიარაღებულ ჯგუფს ცეცხლის გახსნამდე, ქართველმა სამართალდამცველებმა რამდენჯერმე დანებება შესთავაზეს, რაზეც უარი მიიღეს. რამდენიმე საათის განმავლობაში მდგომარეობა უცვლელი იყო და არანაირი ოფიციალური კომენტარი არ კეთდებოდა.

მას შემდეგ, რაც, თბილისში, ლუღუშაურის სახელობის კლინიკის ტერიტორიაზე სამხედრო ვერტმფრენი დაჯდა და უსაფრთხოების მიზნით, საავადმყოფოში შესვლა-გასვლა აიკრძალა და იქ დაცვა გაძლიერდა, შინაგან საქმეთა სამინისტრომ ოფიციალური განცხადება გაავრცელა, რომლის თანახმადაც, შეიარაღებული დაჯგუფების მიმართ განხორციელებული დევნის ოპერაციისას დაიღუპა სპეცდანიშნულების რაზმის 3 თანამშრომელი და დაიჭრა 5. რაც შეეხება დივერსანტთა ჯგუფს, შსს-ს ინფორმაციით, ლიკვიდირებული იყო შეიარაღებული დაჯგუფების 11 წევრი.

ამჟამად ალყაში მოქცეუ-

ლი 6 დივერსანტი. მიმდინარეობს მათი დაკავების ღონისძიება," - ასეთი იყო შსს-ს ოფიციალური განცხადება.

სამართალდამცველებმა ასევე გაავრცელეს დევნის ოპერაციისას გათავისუფლებულების ჩვენებები, რომლებიც, საქართველო-რუსეთის საზღვრის დაღესტნის მონაკვეთიდან გადმოსულ დივერსანტთა ჯგუფს ჰყავდა მძევლად. როგორც ტყვეობიდან გათავისუფლებულები აცხადებენ, ისინი შეიარაღებულმა პირებმა დაატყვევეს. შეიარაღებული დივერსანტები მათ, წინააღმდეგობის განხრავს ან გაქცევის შემთხვევაში, მოკვლით ემუქრებოდნენ.

ტყვეობიდან გათავისუფლებულების ინფორმაციით, გამტაცებლები 15-ზე მეტნი იყვნენ. "ბუნებაში ვიმყოფებით საქიფრება მეგობრები, უკან რომ ვბრუნდებით, მოვეყვებით მდინარის პირს, შეგვხვდა რამდენიმე ადამიანი, ავტომობილი შეიარაღებული, გვითხრეს, რომ ვიყავით მძევლები და უნდა წავსულიყავით მათთან ერთად. მათთან ყოფნის დროს მკაცრად გავგვარითხილეს, რომ მოგაქცევას შევცდებით, თუ გავკვალავდნენ," - ასეთია ყოფილი მძევლების ჩვენებების შინაარსი. მათი განმარტებითვე, გამტაცებლებს "დიდძალი შეიარაღება ჰქონდათ".

დღის განმავლობაში გავრცელებული ინფორმაციის მიხედვით, გარდა გათავისუფლებული მძევლებისა, დივერსანტებს კიდევ ორი ჯგუფი ჰყავდათ დატყვევებული და ანტიტერორისტული ოპერაცია სწორედ მათი გათავისუფლების მიზნით გრძელდებოდა.

სალამოს საათებში, შინაგან საქმეთა და თავდაცვის სამინისტროებმა ანტიტერორისტული ოპერაციის დროს დაღუპულთა გვარები გამოაქვეყნეს. სამინისტროების მონაცემებით, განდაცვლილები არიან შინაგან საქმეთა სამინისტროს თანამშრომლები სოლომონ ნიკლაური და არჩილ ჩოხელი. გარდაცვლილია ასევე, თავდაცვის სამინისტროს სპეციალური ოპერაციების ძალების ექიმი, კაპრალი ვლადიმერ ხვედელიძე.

იმ დროს, როდესაც ლოპოტას ხეობაში ანტიტერორისტული ოპერაცია გრძელდებოდა და ქართველი სამართალდამცველებს არ ჰქონდათ ნათქვამი, კონკრეტულად რომელი დაჯგუფება იყო საქართველოს ტერიტორიაზე გადმოსული, რუსულმა მედიასაშუალებებმა გაავრცელეს ინფორმაცია, რომლის მიხედვითაც, მოხდა საქართველოს ტერიტორიაზე გადასული ე.წ. ცუხტინის ბანდოგორმის ლიკვიდაცია. რუსული მედიის ცნობით, დაჯგუფება საქართველოს ტერიტორიაზე რამდენიმე დღის წინ გადავიდა და მის შემადგენლობაში 20-მდე ბოევიკი იყო.

"შეიარაღებული დაჯგუფება, რომლის წინააღმდეგ ქართველი სამართალდამცველები ოპერაციას ატარებენ, დაღესტნელ სამართალდამცველებს გაექცნენ," - ეს ინფორმაცია "რია ნოვოსტიმ" დაღესტნის სამართალდამცავი ორგანოების წყაროზე დაყრდნობით გაავრცელა.

"ისინი ცუხტინის ბანდოგორმის დაჯგუფების წევრები არიან და საქართველოს ტერიტორიაზე გადასვლით დაღესტნელ სამართალდამცველებს ემალებიან. თუ ისინი უკან დაბრუნდებიან მონღოლებს, ჩვენ მათ აქ დაგვხვდებით", - განუცხადეს "ინტერპრესს" დაღესტნელმა სამართალ-

დამცველებმა

დღის ბოლოს რუსეთის ძალოვან სტრუქტურებში განაცხადეს, რომ ბოლო დღეებში განმავლობაში რუსეთ-საქართველოს საზღვრის დარღვევის შემთხვევები არც ერთი მხრიდან არ დაფიქსირებულა. "თბილისში დრო ფი დრო აკეთებენ პროვოკაციულ განცხადებებს, რომლებიც კიდევ უფრო ამძაფრებს ისედაც არცთუ უბრალო სიტუაციას რუსეთ-საქართველოს საზღვარზე," - განუცხადეს "ინტერფაქსს" რუსეთის ძალოვან სტრუქტურებში.

რუსეთ-საქართველოს საზღვრის სიახლოვეს რუსული სამხედრო შენაერთების მობილიზებასა და დაღესტნის მთიან რეგიონებში რუსული სამხედრო ტექნიკის შეყვანაზე, ჩეჩნური, აზერბაიჯანული და დაღესტნური ოპოზიციური ინტერნეტგამოცემები ჯერ კიდევ რამდენიმე დღის წინ ალაპარაკდნენ.

"დაღესტანში, რუსეთ-საქართველოს საზღვრის სიახლოვეს რუსული სამხედრო შენაერთების მობილიზაციაა. გამოჩნდნენ რუსული სპეცდანიშნულების რაზმებიც, რომლებიც სპეცოპერაციისთვის ემზადებიან. დაღესტნის ტერიტორიაზე ოპერირებული სამხედრო ჯერ კიდევ 20 აგვისტოს დაიწყო. რუსი სამხედროები ცუმადინსკის რაიონში კატასტროფის შედეგების მოსაშენებლად აწყობენ. მისპიტალს, დღევანდის განმავლობაში 300-მდე დაჭრილის მიღება შეუძლია. ასევე ცნობილია, რომ დაღესტანში სამხედრო სნაველმა კავაზ 2012-ის მოსამზადებელი თავთბირი ჩატარდა," - ასეთი იყო ინტერნეტგამოცემა "ჩეჩენ-ნიუსის" მიერ გავრცელებული ინფორმაცია. ინტერნეტგამოცემის მტკიცებით, სამხედრო ძალებს ფსბ-ს სასაზღვრო სამსახურის სტრატეგიული დავალების განყოფილების უფროსი, გენერალ-ლეიტენანტი მიხაილ სტრეხაის ხელმძღვანელობს. გამოცემის მონაცემებით, მოსპიტალს აწყობენ ცუმადინსკის და ტლიარაქინსკის რაიონებსა და ბეჟტინსკის მონაკვეთებზე. ყველა ეს რაიონი საქართველოს ესაზღვრება.

ინტერნეტგამოცემა chechenia.info ჯერ კიდევ რამდენიმე დღის წინ წერდა, რომ უახლოეს ხანებში საქართველოს საზღვრისპირა რაიონებში, შესაძლოა, გამოყენებულ ყოფილიყო მასშტაბური სამხედრო ღონისძიებებისათვის, რომელთა მიზანი ჯერჯერობით უცნობია. "შესაძლოა, ეს კავკასიაში მოსალოდნელი წვრთნებისთვის განხორციელებული მოსამზადებელი სამუშაოებია ან დაღესტნის ტყეებში დაბანაკებულ "ბოევიკთა" გასანადგურებლად მიმართული აქცია, ანდა, საქართველოში შესაჭრელად მიმდინარე მზადება. ფაქტია, რომ სამხედრო ღონისძიებების ჩასატარებლად შეირჩა ცუხტინის რაიონი, ადგილი, საიდანაც საქართველოს გავლით სომხეთი ყველაზე ახლოსაა," - წერდა "ჩეჩენ-ნიუსი".

გამოცემის მონაცემებითვე, მთლიანობაში, 16 აგვისტოდან, დღემდე, დაღესტნის საზღვრისპირა რეგიონში თავმოყრილია 300 ერთეული ჯავშანტექნიკა და 2500-მდე სამხედრო მოსამსახურე.

აზერბაიჯანული ინტერნეტგამოცემა contact.az-ის ინფორმაციით კი, ბოლო დღეებში დაღესტნის მთიან რაიონებში რუსული საჯარისო დანაყოფების კონცენტრაციასთან დაკავშირებით, ადგილობრივ მცხოვრებ-

ლებში გავრცელდა ხმა, რომ ტარდებოდა ამ რაიონების ტყის მასივების ბლოკირება, რათა შემდეგ მომხდარიყო იქ დაბანაკებული მოჯაპედების ბაზების განადგურება.

დაღესტნური ინტერნეტსაიტის vdagestan.com-ის ინფორმაციით, რამდენიმე დღის წინ, რუსულმა სამხედრო დანაყოფებმა მოახდინეს დაღესტნის დიდეთის რაიონის სოფლების ბლოკირება და გაჩხრიკეს ადგილობრივთა სახლები. ამავდროულად ინფორმაციით, რუსი სამხედროები ადგილობრივებს ეუბნებიან, რომ დიდი რაოდენობის სამხედრო ძალის მობილიზება იმისთვის არის საჭირო, რომ "დაღესტნელები ქართველებისგან დაცვან".

საქართველოს შინაგან საქმეთა სამინისტროს ანტიტერორისტული ოპერაცია ლოპოტას ხეობაში გვიან ღამემდე გრძელდებოდა.

რუსეთ-საქართველოს საზღვართან განვითარებულ მოვლენებთან დაკავშირებით, საგანგებო განცხადება გააკეთა ქვეყნის პირველმა მიხეილ სააკაშვილმა და განაცხადა, რომ მომხდარი, საქართველოს უსაფრთხოებასა და სუვერენიტეტს საფრთხეს ვერ შეუქმნის. მიხეილ სააკაშვილმა ჩრდილოკავკასიელი მეზობლები ძმებად მოიხსენია და მიმართა, არ გამოაყენებინონ ვინმეს თავი პროვოკაციის ბრმა იარაღად.

"საქართველოს ტერიტორიაზე მშვიდობიანი მოსახლეობის წინააღმდეგ შეიარაღებული პირების თარეშ არ დაეუშუვებთ. შეიარაღებული რაზმის წევრთა უმეტესობა განადგურებულია. 90-იან წლებშიც გვქონდა შემთხვევა, როცა ჩვენ მეზობელ ქვეყანაში იყო არეულობა და მან მოახდინა თავისი არეულობის ექსპორტი ჩვენს ტერიტორიაზე, რასაც მოჰყვა ცნობილი მოვლენები აფხაზეთში, ცხინვალში, პანკისის ხეობაში. მთებს იქით ჯვრაც არის დიდი არეულობა, აქეთ კი დიდი აღმშენებლობა და განვითარებაა. ქართული სახელმწიფო დღეს არ დაუშვებს, რომ მეზობლის ტერიტორიაზე არსებული ძალადობა და არასტაბილურობა გადმოედოს და საფრთხე შეუქმნას ჩვენს მოქალაქეებს და ქვეყნის მშვიდობიან განვითარებას. არეულობა იქ ქედს მიღმა დარჩება და აქეთ ვერ გადმოვა. რაც შეეხება მათ, ვინც ჩვენი სპეცრაზმელების მკვლელობა ჩაიდინა, ისინი პასუხს ბოლომდე აებენ და მათი მოქმედებები ყველა მეთოდის გამოყენებით ბოლომდე იქნება აღკვეთილი. ყველა ზომას მივიღებთ, რომ მომავალში ვინმემ მსგავსი რომ არ ცვალოს. ფფრტობ, ეს იქნება ძალიან კარგი გაკვეთილი", - განაცხადა პრეზიდენტმა. უშიშროების საბჭოს მდივან გიგა ბოკერეას განმარტებით, ჩრდილოკავკასიის რეგიონში არსებული უშიშროების მდგომარეობა საქართველოსთან კავშირში რომ არის, ბოლო მოვლენებიც ადასტურებს. გიგა ბოკერეას თქმითვე, ქვეყნის ხელისუფლებამ ინფორმაცია ოპერაციის დაწყებისთანავე მოაწოდა სტრატეგიულ პარტნიორებს.

"საქართველოს სახელმწიფოებრივობას საფრთხე არ ემუქრება, ჩატარებული ანტიტერორისტული ოპერაცია რუსეთის ფედერაციისთვის ვერანაირად ვერ გახდება საბაბი საქართველოს ტერიტორიაზე განხორციელების რაიმე სახის ქმედება," - განაცხადა უშიშროების საბჭოს მდივანმა.

წვიმამ ქუთაისის პრობლემები შეექმნა

ქუთაისში მოსული ნალექის შედეგად, ცენტრალურ მოედანზე მანქანების სავალი ნაწილი წყლით დაიტბორა. მიზეზად კი გაუმართავი სანიაღვრე სისტემა სახელდება. ადგილზე გუშინ შესაბამისი სამსახური მუშაობდა, რომელთა განცხადებით, ქალაქის ახლადრეაბილიტირებული ნაწილის დატბორვა სანიაღვრე სისტემის გაჭედვამ გამოიწვია. ქუთაისის მერიის კუთვნილების სამსახურში აცხადებენ, რომ სანიაღვრე სისტემის მოწესრიგების კუთხით მერია სამუშაოებს აწარმოებს. სამსახურის უფროსის ლევან ჭანჭაღაშვილის ინფორმაციით, ამ მიზნით ადგილობრივი თვითმმართველობა 2 მილიონამდე ლარს დახარჯავს. ჭანჭაღაშვილის მტკიცებით, შესრულებული სამუშაოების შედეგად, სანიაღვრე სისტემის გაუმართაობით შექმნილი პრობლემა წლის ბოლოსთვის ქუთაისის ნაწილს აღარ შეაწყობს. შეგახსენებთ, რომ მიმდინარე წელს ქალაქში მოსული უზვი ნალექის შედეგად, ქუჩების გარდა, საცხოვრებელი სახლებიც დაიტბორა.

მმართველმა გუნდმა ადმინისტრაციული რესურსის გამოყენებაზე უარი თქვა

"ერთიანი ნაციონალური მოძრაობა" "2012 წლის საქართველოს საპარლამენტო არჩევნებისთვის ადმინისტრაციული რესურსების გამოყენების შესახებ" მემორანდუმს შეუერთდა. ცენტრალური საარჩევნო კომისიის მიერ შემუშავებული დოკუმენტს ხელი პარტიის წარმომადგენელმა აკაკი მა მოსწერა. მისი თქმით, "ნაციონალების" მიზანი თავისუფალ და სამართლიან არჩევნებში გამარჯვებაა. შინაპირობის განცხადებით, "ნაციონალური მოძრაობა" მზადაა ცესკოსთან, საერთაშორისო ორგანიზაციებთან და მოუკერძოებელ სადამკვირვებლო მისიებთან თანამშრომლობისთვის, რათა საარჩევნო პროცესის დროს დაფიქსირებული ნებისმიერი ხარვეზი აღმოფხვრას.

"კიდევ ერთხელ მიწადა, დაუკუსვა ხაზი, რომ ჩვენი, როგორც პარტიის, მიზანი, დემოკრატიის უფრო განვითარება და მისი ხელშეწყობაა. ეს არჩევნები იქნება სამართლიანი და თავისუფალი და ამას მთელი საზოგადოება ძალიან კარგად დაინახავს", - ამბობს შინაპირობა.

მემორანდუმში ფორმულირებულია საარჩევნო კოდექსის ის ნაწილები, რომლებშიც მასზე ხელმოწერები საარჩევნო კამპანიის წარმოებისას სახელმწიფო რესურსების გამოყენებაზე უარს ამბობენ. მემორანდუმში არჩევნებში ყველა პარტიისთვის თანაბარი გარანტიების უზრუნველყოფას ისახავს მიზნად. დოკუმენტს უკვე მოაწერეს ხელი უწყებათაშორისმა კომისიამ, შეიქმნა არასამთავრობო ორგანიზაცია და "მერაბ კოსტავას საზოგადოებამ".

ცესკო პარტიებს საარჩევნო ვადებს ახსენებს

"საქართველოს ცენტრალური საარჩევნო კომისია საარჩევნო სუბიექტებს შეახსენებს, რომ პარტიული სიებისა და მაჟორიტარული კანდიდატების, აგრეთვე თანდართული დოკუმენტაციის ცესკოში წარდგენის ვადა იწყება 2012 წლის პირველ სექტემბერს," - ამის შესახებ ცესკოს მიერ გავრცელებულ განცხადებაშია ნათქვამი. ცესკოს საარჩევნო სუბიექტებს მოუწოდებს, დროულად დაიჭიროთ თანდარივი ყველა საჭირო განაცხადისა და დოკუმენტაციის წარმოსადგენად, რათა თავიდან იქნეს აცილებული პროცედურულ ვადებთან დაკავშირებული გაუგებრობები.

"ლეიბორისტები" მმართველ გუნდსა და "ქართულ ოცნებას" ადანაშაულებენ

"ლეიბორისტები" "ერთიანი ნაციონალური მოძრაობას" და კოალიცია "ქართულ ოცნებას" "ლეიბორისტული პარტიის" საარჩევნო კომისიის წევრებზე ზენოლასა და მოქრთამვაში ადანაშაულებენ. აღნიშნულთან დაკავშირებით პარტიაში გუშინ განცხადება გაავრცელეს.

"2012 წლის 1-ელ ოქტომბრის დანიშნულ საპარლამენტო არჩევნების წინა პერიოდში მმართველი "ნაციონალურმა" და "ოლიგარქული ოცნება" არჩევნების გაყალბების მიზნით ზენოლითა და მოქრთამვით ცდილობენ ჩვენ მიერ დანიშნული საარჩევნო კომისიის წევრებისა და მეთვალყურეების გადაბირებას, რის გამოც ჩვენ გავანთავისუფლეთ ნალკისა და ყვარლის საარჩევნო კომისიის წევრები", - ნათქვამია განცხადებაში.

საინფორმაციო სააგენტო "ინტერპრესნიუსის" ცნობით, "ლეიბორისტები" აცხადებენ, რომ საარჩევნო მოქრთამვა-გადაბირების თავიდან აცილების მიზნით, "ლეიბორისტული პარტიის" პოლიტიკურმა კომიტეტმა დადგინდა ნათქვამი, რომელსაც ხელს პარტიის ლიდერი შალვა ნათელაშვილი აწერს. დადგინებულმა ნათქვამია, რომ პარტიის დანიშნულ კომისიის წევრებს (მეთვალყურეებს) ექრძალებათ "ნაციონალიზმის" წევრებთან გარიგებითი, უპრობლემა-სუფურული ურთიერთობა; ფარულ-გარიგებითი ურთიერთობაში შესული პარტიიდან დანიშნული კომისიის წევრები (მეთვალყურეები) დაუყოვნებლივ განთავისუფლებულ იქნებიან კომისიებიდან. მათი ვინაობა კი საჯარო იქნება.

კახა კუკავამ მაჟორიტარული წარადგინა

"თავისუფალი საქართველოს" ლიდერმა კახა კუკავამ დღეს მცხეთა-მთიანეთსა და რაჭა-ლეჩხუმში მაჟორიტარი დეპუტატობის კანდიდატები დაასახელა.

საინფორმაციო სააგენტო "ინტერპრესნიუსის" ცნობით, მცხეთაში მაჟორიტარობის კანდიდატი - ქეთი ბეჟაური, თიანეთში - დავით ცალხელაშვილი, დუშეთში - ალექსი კობაძე, ყაზბეგში კი ზვიად ჩიტაბერი იქნება. რაჭა-ლეჩხუმის რეგიონში კი კუკავამ მაჟორიტარობის კანდიდატებად ონში - ბერიკა მაისურაძე, ამბროლაურში - გუგა სამხარაძე, ცაგერში - როსტომ თვარაძე, ლენტეხში კი ამირან გარდაფხაძე წარადგინა. კუკავა აცხადებს, რომ "თავისუფალი საქართველო" 1-ელი ოქტომბრის არჩევნებში ხელისუფლების დამარცხების ერთადერთი ნიშანდობა ოპოზიციის კოორდინაციას მიიჩნევს. ამ მიზნით, პარტიამ მთაწმინდის საარჩევნო ოლქში მაჟორიტარობის კანდიდატი არ წარადგინა და მხარი დაუჭირა "ქართული ოცნების" კანდიდატს ზაზა პაპუაშვილს.

ჩრდილოეთ კორეა და იაპონია მოლაპარაკებებს გამართავენ

ოთხი წლის განმავლობაში პირველად იაპონიისა და ჩრდილოეთ კორეის ოფიციალური პირები პირდაპირ მოლაპარაკებებს გამართავენ. შეხვედრა, რომელიც ჩინეთის დედაქალაქ პეკინში გამართება, სულ მცირე, ერთ დღეს გასტანს. იაპონური მედიის ცნობით, მხარეებს საუბარი ექნებათ იმ იაპონელთა ნეშტის გადასვენებაზე, რომლებიც კორეის ნახევარკუნძულზე მეორე მსოფლიო ომის დროს დაიღუპნენ. როგორც აღნიშნავენ, საუბარი, შესაძლოა, იმ იაპონელებსაც შეეხოს, რომლებიც ფხენიანმა 1970-80-იან წლებში გაიტაცა. ჩრდილოეთ კორეამ ხუთი გადაცემული უკან დააბრუნა და განაცხადა, რომ დანარჩენები გარდაცვლილები არიან, თუმცა იაპონია დამატებით ინფორმაციას ითხოვს.

სამხედროების ჭკუფი ობამაზე თავდასხმას გეგმავდა

Detroit Free Press-ის ცნობით, ოთხ ამერიკელ სამხედროს ბრალი სახელმწიფო გადატრიალებასა და პრეზიდენტ ბარაკ ობამაზე თავდასხმის მომზადებაში იღებდა. პროკურატურის ცნობით, მათ იარაღი და სასაფეთქებელი მოწყობილობები შეიძინეს და რამდენიმე სტრატეგიული ობიექტის ხელში ჩაგდებას და მოგვიანებით ობამას მკვლელობას გეგმავდნენ. ბოროტმოქმედებს, რომელიც ყოფილი და მოქმედი სამხედროები არიან, რადიკალური ორგანიზაცია ჰქონდათ შექმნილი. ვასული წლის დეკემბერში ამ დაჯგუფებამ, ისაკ ავიგის ხელმძღვანელობით, საკუთარი წევრი - 19 წლის მაიკლ როკა და მისი შეყვარებული მოკლა. მათ შეეშინდათ, რომ როკას დემობილიზაციის შემდეგ, შესაძლოა, ხელისუფლებისათვის მათი გეგმების შესახებ ეცნობებინა. ამ დროისათვის შეთქმულების მონაწილეები დაკავებული არიან. ხელისუფლება აგრძელებს ჯგუფის სხვა სავარაუდო წევრების ძენას.

“ისაკმა” ლუიზიანას სანაპირო ზოლი დაფარა

ტროპიკულმა შტორმმა “ისაკმა”, რომელსაც პირველი კატაგორიის ქარბორის კვალიფიკაცია მიენიჭა, ამერიკის შტატ ლუიზიანას სამხრეთ-აღმოსავლეთი მხრიდან “ისაკმა” ამ დროისათვის გრიგალ “კატრინას” (ის ამერიკას 7 წლის წინ დაატყდა თავს) ტრეპექტორიას იმეორებს, თუმცა ამ დროისათვის მას სიმძლიერე ჩამორჩება. მეტეოროლოგების ცნობით, ქარის სიჩქარე საათში დაახლოებით 120 კილომეტრია, მაშინ, როდესაც 2005 წელს ქარიშხლის სიმძლავრე 280 კმ/სთ იყო.

ხელისუფლებამ ლუიზიანასა და მისისიპიში მექსიკის ყურის ნაპირებთან მცხოვრები მოსახლეობის ევაკუაციის შესახებ უკვე გამოაცხადა. ცნობილი გახდა, რომ ამ დროისათვის საკუთარი სახლი 10 000-მა ადამიანმა დატოვა. სტიქია მეზობელ შტატებშიც იგრძნობა. უამინდობის გამო ფლორიდაში რესპუბლიკელთა პარტიის ყრილობა ერთი დღით გვიან დაიწყო.

დალესტანში მესაზღვრეების მკვლეელი ვაჰაზიტი აღმოჩნდა

სერჟანტი რამაზან ალიევი, რომელმაც დალესტანში შვიდი ადამიანი მოკლა და თავად საპასუხო სროლის დროს დაიღუპა, ვაჰაზიტი აღმოჩნდა. რუსეთის ფედერაციის საგამოძიებო კომიტეტს ალიევის წინააღმდეგ სისხლის სამართლის საქმე ორი ან მეტი ადამიანის მკვლელობის მუხლი აქვს აღძრული. ინციდენტი ბელიჯის დასახლებასთან ახლოს მოხდა. გამოძიების თანახმად, 28 აგვისტოს, 16:00 საათისათვის ალიევი საკონტროლო-გამშვებ პუნქტზე მივიდა და სროლა დაიწყო, რასაც ორი ადამიანი ემსხვერპლა; დაშავდა ორი კაცი. იქ მან 30 გასროლა განახორციელა. ამის შემდეგ ის ყაზარმაში შევიდა, სადაც უნესრიგო სროლის დროს ხუთი ადამიანი მოკლა; დაიჭრა 4 კაცი. პოლიციამ ალიევს საპასუხო ცეცხლი გაუხსნა და მოკლა. დაშავებულები დერბენტის საავადმყოფოში გადაიყვანეს. გამოძიება გრძელდება.

ცნობილი გახდა რიაზანის ჩხუბის დეტალები

ცოტა ხნის წინ რიაზანში ტაქსისტებსა და კავკასიელების შორის მომხდარი ჩხუბის დეტალები გახდა ცნობილი. როგორც აცხადებენ, აგვისტოს შუა რიცხვებში სასტიკად სცემეს ტაქსისტი, რადგან იგი იმ გოგონას გამოესარჩლა, რომელსაც კავკასიელები ეჩხუბებოდნენ. მომდევნო დღეს ტაქსისტებმა ინციდენტის გამოძიების მოთხოვით მიტინგი გამართეს. პოლიციამ თავიდანვე უარყო ჩხუბის მიზეზად ეროვნებათაშორის დაპირისპირება. თავად ტაქსისტმა სერგეიმ (გვარი არ დაასახელა) “კომსომოლსკაია პრავდას” მომხდარის დეტალები უამბო. მისი თქმით, როდესაც ქუჩაში დაინახა, როგორ ეჩხუბებოდა სამი კავკასიელი გოგონას, მივიდა და ზრდილობიანად იკითხა, რა ხდება, რაზეც გოგონას უხეში პასუხი მიიღო. ამის შემდეგ კი კავკასიელებმა მას ფეხებით ცემა დაუწყეს. სერგეის დასახმარებლად სხვა ტაქსისტები მივიდნენ, თუმცა, როგორც თავად აღნიშნავენ, ერთ ტაქსისტზე სამი ადამიანი მოდიოდა. ჩხუბის დროს მან გონება დაკარგა.

მას შემდეგ, რაც დაზარალებული ტაქსისტები მიხვდნენ, რომ პოლიცია ჩხუბით დაინტერესდება არ აპირებდა, მეორე დღეს მიტინგი გამართეს. მათი მოთხოვა მომხდარის გამოძიება იყო. როგორც რიაზანის შინაგან საქმეთა სამინისტროს განყოფილების პრესსამსახურის ხელმძღვანელმა ვლადიმერ გოლეცმა განაცხადა, ამ ისტორიის შესახებ მალევე დაიგნეფს, ვინაიდან კონფლიქტი აღმოფხვრილი იყო. საგამოძიებო ჯგუფის ხელმძღვანელის ცნობით, ტაქსისტებს თავდასხმის ის გოგონა სდებს ბრალს, რომელსაც სერგეიმ გამოესარჩლა. როგორც პოლიციაში აცხადებენ, ინციდენტის გამოძიება გრძელდება. ასევე, პოლიციის ცნობით, ქალაქში ეროვნულ ნიადაგზე არავითარი დაპირისპირება არ არსებობს.

მომზადდა თამთა კახაძემ

მიტ რომნი კანდიდატად აირჩიეს, ოფიციალურად ხვალ დაასახელებენ

პირველი გავრცედა

უკანასკნელი გამოკითხვების თანახმად, ამ დროისათვის არც ერთი მათგანს არ აქვს გადამწყვეტი უპირატესობა.

რესპუბლიკელთა ყრილობაზე, რომელიც ქარიშხალ “ისაკმა” გამო ერთი დღით გვიან გამართა, რომლის 1144 დელეგატის ხმა უნდა შეეგროვებინა. მას ხმა ყრილობის 2061-მა მონაწილემ მისცა. კონგრესმენი პოლ რაიანი ვიცე-პრეზიდენტობის კანდიდატად ერთხმად დასახელდა.

თავად რომნი კენჭისყრის დროს დარბაზში არ იმყოფებოდა. ის ყრილობის მსვლელობას თვალს ახლოს მდებარე სასტუმროში მუშაობისთან ერთად ადევნებდა. თუმცა, მოგვიანებით ანა რომნი დელეგატების წინაშე სიტყვით გამოვიდა, სადაც ამერიკელ ხალხს მისი მეუღლის ნდობისაკენ მოუწოდა: “მას უყვარს ამერიკა და ის ჩვენ უკეთეს ადგილზე მიგვიყვანს,” - აღნიშნა ანა რომნი.

ყრილობაზე რესპუბლიკელთა ეროვნული კომიტეტის ხელმძღვანელმა რეინს პრეზუსმა განაცხადა, რომ პრეზიდენტ ბარაკ ობამასა და ვიცე-პრეზიდენტ ჯო ბაიდენის კიდევ ერთი ვადით მოსვლა “ამერიკის მარცხის კიდევ ოთხ წელს” ნიშნავს:



“ამერიკას სჭირდება პრეზიდენტი ნამდვილ ეკონომიკაში ნამდვილი გამოცდილებით.”

“ამერიკელი ხალხი კვლავ კითხულობს - სად არის სამსახური? რაზეც პრეზიდენტი ობამა, პასუხის ნაცვლად, ბოდიშს იხდის. ჩვენ უკეთესად გავაკეთებთ ამ ყველაფერს. თუმცა, პირველ რიგში, ახალი პრეზიდენტის არჩევა უნდა მოვახერხოთ, რომელიც ყველაფერს წარუძღვება,” - განაცხადა ყრილობაზე წარმომადგენელთა პალატის სპიკერმა ჯო ბონერმა.

“ის ძალიან მორცხვი ადამიანია და არ უყვარს საკუთარი თავზე საუბარი. თუმცა მე რომ-

ნის დიდი ხანია ვიცნობ. ის პატიოსანი, ნესიერი და მშრომელი კაცია,” - აღნიშნა ბონერმა ცოტა ხნის წინ “სი-ენ-ენისთვის” მიცემულ ინტერვიუში.

რესპუბლიკური პარტია რომლის საპრეზიდენტო არჩევნების კანდიდატად ოფიციალურად ხვალ დაასახელებს. როდესაც ეს უკანასკნელი სიტყვით გამოვა და თანხმობას განაცხადებს კენჭისყრაზე. პოლ რაიანის გამოსვლა ყრილობაზე დღეს არის დაგეგმილი.

ყრილობამ განსაზღვრა პარტიის მომავალი კურსიც, რომელიც, ტრადიციულად, სა-

რეკომენდაციო ხასიათს ატარებს და არჩეული პრეზიდენტისთვის სავალდებულო არ გახლავთ. თუმცა ეს პროგრამა საკმაოდ ახლოს არის რომნის პოზიციებთან. მასში გათვალისწინებულია გადასახადების შემცირება და ეკონომიკის სტიმულირება, ბარაკ ობამას მიერ ინიცირებულ ჯანდაცვის რეფორმაზე უარის თქმა, ფინანსურ სექტორზე კონტროლის გამკაცრების შესახებ კანონმდებლობის გადახედვა. საგარეო პოლიტიკაში ამერიკის მონაწილეობის გადახედვა. საგარეო პოლიტიკაში ამერიკის მონაწილეობის გადახედვა. საგარეო პოლიტიკაში ამერიკის მონაწილეობის გადახედვა. საგარეო პოლიტიკაში ამერიკის მონაწილეობის გადახედვა.

ირანის ხელმძღვანელობის აქტიურობა ფინანსურ ფონზე



ამ კვირაში თეირანში “მიუმხრობლობის მოძრაობის” სამიტი გაიმართება, სადაც ირანს საკუთარ კომპეტენტურობაზე სასაუბროდ მისთვის ძალიან მნიშვნელოვანი შესაძლებლობა მიეცემა. სამიტიზე ირანის ლიდერების სავარაუდო ქადილი არა მარტო მსოფლიო, არამედ შიდა აუდიტორიაზეც იქნება გათვლილი.

მიუხედავად ოფიციალური თეირანის ბოლოდროინდელი ხმამამალალი განცხადებებისა, რეალურად, ირანის ისლამური რესპუბლიკა ყველა მხრიდან ზეწოლას განიცდის.

აღმოსავლეთ აზერბაიჯანის პროვინციაში 11 აგვისტოს მომხდარი მიწისძვრა ქვეყნის მთავრობისათვის დიდ კატასტროფად იქცა. იმ ფონზე, როდესაც მიწისძვრამ 300 ადამიანი იმსხვერპლა და ათასობით დაშავდა, ქვეყნის პრეზიდენტმა მაჰმუდ აჰმადი-ნეჯადმა დაგეგმილი შეხვედრა არ გადადო და საუდის არაბეთში გაემგზავრა. აღნიშნულმა ხალხის დიდი უკმაყოფილება გამოიწვია. მიწისძვრის ქვეყანა საკმაოდ მოუმზადებელი შეხვდა. მაშინ, როდესაც მიწისძვრიდან 24 საათში მთავრობა აცხადებდა, რომ ისინი სამაშველო ოპერაციებს ახორციელებდნენ, ზოგიერთი გაზეთი წერდა, რომ სოფლებში დასახმარებლად არაფერი ჩასულა. მთავრობა მწარედ გააკრიტიკა ხალხმა, მედიაში და პარლამენტის წევრებშიაც.

ნათელია, რომ ქვეყნის მმართველობით ხალხი შემფოთებულა. ამერიკისა და ევროკავშირის მიერ დაწესებულმა ეკონომიკურმა სანქციებმა ქვეყნის ეროვნული ვალუტის ღირებულების შემცირება გამოიწვია, რასაც ინფლაციის ზრდა მოჰყვა. ჯერ კიდევ ერთი წლის წინ

ერთი ამერიკული დოლარი 10 000 ირანული რეალი ღირდა. დღეს ერთ ამერიკულ დოლარს 20 000 რეალი და იყიდია. როგორც თავად ირანელები აღნიშნავენ, ახლანდელი მდგომარეობა 1980-იან წლებში ერაყთან ომის დროს არსებული მდგომარეობის მსგავსია.

მაღალმა ფასებმა და სურსათის უქმარობამ ისეთი საკვები, როგორიც, მაგალითად, ქათამი, ძნელად ხელმისაწვდომი გახდა. “ქათმის კრიზისმა” იმ მასშტაბებს მიაღწია, რომ პოლიციის უფროსმა აპმედ მოგადამ ტელევიზიებს თხოვნით მიმართა, თავი შეიკავონ ისეთი კადრების ჩვენებისაგან, სადაც ხალხი ქათამს მიირთმევენ.

ქვეყნის უმთავრესი შემოსავლი ნავთობის ექსპორტია. თუმცა, მსოფლიო ბაზარზე ნავთობის მაღალი ფასის მიუხედავად, ექსპორტიდან მიღებული შემოსავალი ეცემოდა. როგორც არაერთი ექსპერტი აღნიშნავს, ირანი ყოველდღიურად 110 მილიონ დოლარს კარგავს, თვეში კი - სამ მილიარდს. ეს იმ შეზღუდვების წყალობით ხდება, რომელის გამოც ირანს ნავთო-

ბის გაყიდვა უჭირს. გასულ წელს ირანი დღეში 2,2 მილიონ ნავთობს ჰყიდა, ახლა ეს რაოდენობა განახევრებულია.

ამ ყველაფრის ფონზე ირანის უმთავრესი მოკავშირე, სირიის პრეზიდენტი ბაშარ ალ-ასადი არც თუ ისე კარგ დღეშია. თუ თეირანი დამსკოს “დაკარგავს,” მისი საერთაშორისო იზოლაცია მკვეთრად გაიზრდება.

არაბეთში არსებული მოვლენებისა და ეკონომიკური სანქციების ფონზე ისრაელი ირანთან ომზე საუბრობს. ირანელი ლიდერები პირობას დებენ, რომ თავდასხმის შემთხვევაში ისრაელს გაანადგურებენ. ცხადია, ომზე საუბარი ირანის მოსახლეობასა და მთავრობაზე ფსიქოლოგიურ ზეწოლას ახდენს. ზოგიერთი ირანელი კითხულობს: “ბირთვული ენერჯია - რა ფასად?”

ცხადია, რომ დასავლეთის მიერ დაწესებული სანქციები სერიოზულად მოქმედებს. თუმცა, ჯერ უკარგველია, მიაღწევს თუ არა ეს სანქციები დასახულ მიზანს - ეს არის ირანის მიერ ბირთვულ პროგრამაზე მუშაობაზე უარის თქმა. ამ დროისათ-

ვის ირანი კვლავ განაგრძობს ურანის გამდიდრებაზე მუშაობას. მალე თეირანში “მიუმხრობელთა მოძრაობის” ლიდერები შეიკრიბებიან, სადაც ირანი შეეცდება, მსოფლიოსა და ირანულ საზოგადოებას შემდეგი შეტყობინება გაუგზავნოს - ისინი დაარწმუნებულები, კომპეტენტურები და შეუკავებლები არიან.

P.S. მიუმხრობლობის მოძრაობის სახელმწიფოების XVI შეხვედრა თეირანში სამშაბათს დაიწყო. მთავარი მოვლენა - დელეგაციის მეთაურთა სამიტი - ხუთშაბათს არის დაგეგმილი. 36 სახელმწიფო პრეზიდენტის, ვიცე-პრეზიდენტებისა და პრემიერ-მინისტრების დონეზეა წარმოდგენილი, თითქმის 80 სახელმწიფო - საგარეო საქმეთა მინისტრებისა და სპეცნარჩობადგენლების დონეზე. სამიტიში მონაწილეობის სურვილი გამოთქვეს ევრაპის პრეზიდენტმა მუჰამედ მურსიმ, სირიის პრეზიდენტმა ბაშარ ასადმა, კუბის ხელმძღვანელმა რაულ კასტრომ, ინდოეთის პრემიერმა მანმოჰან სინგჰმა, აგრეთვე, პალესტინის ავტონომიის პრეზიდენტმა მაჰმუდ აბასმა. სპარსეთის ყურის სახელმწიფოები, რომლებიც ასევე არიან მიუმხრობლობის მოძრაობის წევრები, არ მონაწილეობენ შეხვედრაში სირიის საკითხში ირანთან არსებული უთანხმოების გამო. სიტუაციის დელიკატურობის მიუხედავად, თეირანში ჩადის გაერო-ს გენერალური მდივანი ბან კი მუნის. “24 საათი” სამიტის მუშაობას თვალს კვლავ მიაღწევს.

"World Politics Review"-ს მიხედვით მოამზადა თამთა კახაძემ

BIAFF-ის ოფისიალური პროგრამა ცნობილია

პირველი გავრცელება

მათ შორის, ელდარ შენგელაია, პოლონელი რეჟისორი იერჟი ჰოფმანი და შარშანდელი კანის კინოფესტივალის ფიურის დიდი პრიზის მფლობელი ფილმის "ერთხელ ანატოლიაში" რეჟისორი, თურქი ნური ბილჯე ჩელიანი. აღსანიშნავია, რომ იერჟი ჰოფმანსა და ელდარ შენგელაიას ფესტივალის მსვლელობისას მსოფლიო კინემატოგრაფის განვითარებაში შეტანილი წვლილისთვის სპეციალურ ჯილდოს გადასცემენ. ჩამოთვლილთა გარდა ბათუმი კიდევ რამდენიმე უცხოელ სტუმარს უმასპინძლებს.

გაგაცნობთ მხატვრული ფილმების საერთაშორისო კონკურსის მონაწილე ფილმებს:

კონკურსში მოხვდა შარშანდელი ვენეციის კინოფესტივალის "ოქროს ლომის" ნომინანტი, მარიან სატრაპისა და ვინსენტ პარონოს "ქათამი ქლიავით", "ოსკარის" საუკეთესო უცხოენოვანი ფილმის ნომინანტი "სიბნელები" (რეჟისორი აგნეშკა პოლანდი), სერგეი ლოზნიცას კანის კინოფესტივალის "ფიპრესის" პრიზის ლაურეატი "ნისლში" და ირანელი ალი მოსაფას "უკანასკნელი ნაბიჯი" (ამ ფილმში მთავარ როლს "ნადერისა და სიმინის გაყრის" ვარსკვლავი ლეილა ჰატამი თამაშობს). ასევე კონკურსის ფილმებს შორისაა ნორვეგიელი მარტინ ლანდის "თითქმის ადამიანი", თურქი ამინ ალპერის "ბორცვებს მიღმა", ბრიტანელი რუფუს ნორისის "გატეხილი", უკრაინელი ევა ნიშანის "სახლი კოშკით" და ესტონელი პიტერ სიმის "ეული კუნძული". ცნობილია მხატვრული ფილმების ფიურის კონკურსის შემადგენლობაც: ელდარ შენგელაია, სერგეი ლავრენტიევი (რუსეთი), ნიკ ჰოლდსვორთი (დიდი ბრიტანეთი), გეორგი რაღვი (უნგრეთი) და პეტრ ზენკა (ჩეხეთი).

როგორც მხატვრული ფილმების ჩამონათვალში ნახეთ, კონკურსში ერთი ქართული ფილმიც არ მონაწილეობს და იგივე სურათია დოკუმენტური კინოს სექციამაც. სამაგიეროდ 26 საკონკურსო მოკლემეტრაჟიანი ფილმიდან ხუთი ქართული წარმოებისაა. ქართული ფილმი მონაწილეობს კონკურსშიც "აბრეშუმის გზის ქვეყნების კინო" და ეს სალომე ჯაშის "ზახმარო" გახლავთ.

ბათუმის კინოფესტივალის რეტროსპექტიული ჩვენების პროგრამაში წარმოდგენილი იქნება უკვე ნახსენები ნური ბილჯე ჩელიანის "ერთხელ ანატოლიაში" და "შორეული". 2002 წელს გადაღებული ეს ფილმი "ანატოლიის" მსგავსად კანის კინოფესტივალის მონაწილეა, სადაც "ოქროს პალმის რტოზე" იყო ნომინირებული და ფიურის დიდი



პრიზის გარდა საუკეთესო მსახიობების ჯილდოებიც მოიპოვა.

კონკურსისა და სპეციალური ჩვენებების გარდა ფესტივალის ფარგლებში ჩატარდება პარალელური ღონისძიებებიც, მათ შორისაა BIAFF Industry Meetings. ეს გახლავთ ეროვნული კინოცენტრის მიერ ორგანიზებული ორდღიანი ინდუსტრიული შეხვედრები, რომლის ფარგლებშიც თურქი და პოლონელი პროდუსერები ქართული კინოინდუსტრიის წარმომადგენლებს შეხვდებიან. ინდუსტრიული შეხვედრების მიზანია უცხოელ და ქართველ კინემატოგრაფისტებს შორის კონტაქტების დამყარება და კო-პროდუქციის განვითარების ხელშეწყობა. ასევე ჩატარდება დოკუმენტური კინოს უორქშოფიც KINO FUTURES - BIAFF GEORGIA, რომლის ორგანიზატორიც BIAFF-ის პარტნიორი ბრიტანული ორგანიზაცია Postdoc Films-ს გახლავთ. უორქშოფის მონაწილეები შეიძლება თემაზე მოკლემეტრაჟიანი დოკუმენტურ ფილმებს გადაიღებენ, მუშაობის პროცესში კი გამოცდილი რეჟისორებისგან მიიღებენ რეკომენდაციებს. პროექტის მხარდამჭერია "ბრიტანეთის საბჭო".

კინოფესტივალის ფარგლებში იგეგმება კონკურსი ბლოგერებისთვისაც. მათთვის ორდღიანი უორქშოფიც ჩატარდება თემაზე "სოციალური მედიის მნიშვნელობა კულტურული ღონისძიებების მარკეტინგში". კინოფესტივალის მიმდინარეობისას გამოცხადდება კონკურსი, ყველაზე აქტიური სამი ბლოგერი კი მომავალი წლის ბათუმის კინოფესტივალის ექსკლუზიური ბლოგერის სტატუსით ისარგებლებს.

აქვე შეგახსენებთ, რომ კინოფესტივალის ორგანიზატორია ბათუმის ხელოვანთა სახლი "არგანი", ხოლო ფილმების ჩვენებები ბათუმის კინოთეატრ "აპოლოსა" და სასტუმრო "რადისონის" დარბაზში გაიმართება.



მე-13 დოკუმენტა ქალური მხარისხებით

პირველი ქართველი მხატვარი კასელში

ბელა ჩაქარიშვილი

წელს პირველად ხდება, რომ გერმანიის ქალაქ კასელში, სადაც თანამედროვე ხელოვნების გამოფენა - დოკუმენტა მიმდინარეობს, ქალებს მხოლოდ დამთავრებული ბელთა შორის არ ვიხილავთ. გამოფენაზე წარმოდგენილ ნამუშევართა ნახევარი ქალი მხატვრების მიერაა შესრულებული. მართალია, ქალებისთვის რაიმე განსაკუთრებული პრივილეგია არ მიუნიჭებიათ, მაგრამ როგორც ჩანს, დოკუმენტის ორგანიზატორთა მხრიდან მათი იგნორირება დასრულდა და ისინი, წლებადედი გამოფენაზე, გასულ წლებთან შედარებით მულტიკულტურულ ხელოვნებას წარმოგიდგენენ. აღსანიშნავია ისიც, რომ გამოფენაში წელს პირველად მონაწილეობს ქართველი ხელოვანი და წლებადედი ტენდენციის მიხედვით, ქალი - ბერლინში მცხოვრები არტისტი თეა ჯორჯაძე. მას მასშტაბური არტობიექტები აქვს წარმოდგენილი სათბურის შენობაში, რომელიც ნაპოვნი მასალებით არის დამზადებული. თეა ჯორჯაძე ამ ინსტალაციას სათაურად არქმევს "As sagas sa".


თეა ჯორჯაძე გერმანიაში 1994 წლიდან ცხოვრობს და მუშაობს როგორც ქანდაკებაზე და ინსტალაციებზე, ასევე მიმართავს ფერწერას, მხატვრობას, ფოტოგრაფიას, ვიდეოგამოსახულებას, აკეთებს პერფორმანსებს.

მისი ნამუშევრების დიდ ნაწილი

ინსტალაციებისაგან შედგება, რომლის მესიჯი საგამოფენო ადგილისმიხედვითაა განსაზღვრული. მისი მასშტაბური სივრცული ნამუშევრები მუდამ დახვეწილია, საგამოფენო არქიტექტურის სიმძიმე კი მოვალეობის შემსრულებელ ელემენტებად აღიქმება. თეა ჯორჯაძე ინსტალაციებში ხშირად მიმართავს აკვარელს და მხატვრობას, რაც ამაფრებს ნამუშევრების ექსპრესიულობას და ამავდროულად ხაზს უსვამს ნამუშევრების ფრაგმენტულობას, თითქოსდა დაუსრულებლობას.

თეა ჯორჯაძის სკულპტურები ყოველდღიური მასალისგანაა დამზადებული, ნაწილი უკვე მიმქრალი, რომლებიც რაღაცით შინაგან, მხოლოდ ქალურ ენაზე ასახსნელ სიტყვებს წარმოადგენს, როგორიცაა, მაგალითად, მინა, კერამიკა, ქალაღი, ღრუბელი, საპონი, სილიკონი, ტექსტილი. ამავე დროს, ეგრეთწოდებული ღარიბულ მასალებს (მუყაო, ქაფი, თაბაშირი, ფირი თუ პაპიემაშე), მას შეუძლია შეურიოს ძვირადღირებული მასალები და ტექნიკა - კერამიკა იქნება ეს, ზეთის მხატვრობა თუ ოქროს ლაქი. იმისათვის რომ ფაქიზი სტრუქტურა ჰქონდეს, ყუთებს, თაროებს თუ კედლებს, რომლებიც მისი სკულპტურის ნაწილს შეადგენს როგორც საყრდენები და ჩარჩოები, იგი ხისგან და მეტალისაგან ამზადებს.

თეა ჯორჯაძე უამრავი საერთაშორისო გამოფენის მონაწილეა, 1999 წლიდან იგი არტ-ჯგუფ



hobbypopMUSEUM-ის წევრია, თუმცა კი, დოკუმენტაზე მოხვედრა განსაკუთრებით აღსანიშნავი იქნება მის ბიოგრაფიაში.

რა არის დოკუმენტა? როგორც ხელოვანთა წრეებში ამბობენ, თუკი თანამედროვე სამყაროს ნახვა გსურთ, ამ გამოფენას უნდა ეწვიოთ, რომელიც კასელში ხუთ წელიწადში ერთხელ იმართება და 100 დღე გრძელდება. პირველად იგი 1955 წელს გაიმართა გერმანელი მხატვრისა და კურატორის არნოლდ ბოდეს ინიციატივით.

წელს მე-13 დოკუმენტა მიმდინარეობს, რომელიც 9 ივნისს დაიწყო და 16 სექტემბრამდე გაგრძელდება.

დოკუმენტა კვლავაც აგრძელებს სამყაროს განცვიფრებას, იყო ეს მეორე მსოფლიო ომისშემდეგომი ლატაკი წლები თუ მეოცე საუკუნის მიწურულის მღელვარე ამბოხის ეპოქა. დოკუმენტა კვლავინდებურად აქტიურია გლობალიზაციით დალდასმულ ხელოვნთა წრეში. ზოგადად კი, დოკუმენტას გამოფენათა ისტორია, სავსეა როგორც დატყობილ და დაკნინებულ, ეჭვით, სკანდალს იმართება ხოლმე, დოკუმენტის მიწურულის მღელვარე ამბოხის ეპოქა. დოკუმენტა კვლავინდებურად აქტიურია გლობალიზაციით დალდასმულ ხელოვნთა წრეში. ზოგადად კი, დოკუმენტას გამოფენათა ისტორია, სავსეა როგორც დატყობილ და დაკნინებულ, ეჭვით, სკანდალს იმართება ხოლმე, დოკუმენტის მიწურულის მღელვარე ამბოხის ეპოქა.

სხვა ბიენალეებისაგან განსხვავებით, სადაც ნაციონალური პავილიონები იმართება ხოლმე, დოკუმენტას კონცეფციას ერთი კურატორი განსაზღვრავს, წელს მას კაროლინ ხრისტოვ-ბაკარჯიევი წარადგენს.

ლაფანყურის სპეცოპერაციისას მსოფლიოს ჩემპიონი არჩილ ჩოხელი დაიღუპა

სოფელ ლაფანყურში შსს მიერ მიქვლების გათავისუფლების სპეცოპერაციას სამი სამხედრო პირი დაიღუპა, მათ შორის - ვეტერანი სამხისტი, მსოფლიოსა და ევროპის ჩემპიონი, საქართველოს სამხისტი ნაკრების მთავარი მწვრთნელი არჩილ ჩოხელი.

არჩილ ჩოხელი 1971 წლის 23 მაისს მცხეთის რაიონის სოფელ გალავანში დაიბადა. იყო მსოფლიოს ჩემპიონი (1993), ორგზის მკობრი (1994, 1997) და ექვსგზის მესამე (1992, 96, 98, 99, 2000, 02) პრიზიორი, მსოფლიოს თასის მფლობელი (1997) და მეორე პრიზიორი (1996), ევროპის ჩემპიონი (1998), მეორე (2001) და ექვსგზის მესამე (1993, 94, 97, 99, 2000, 02) პრიზიორი. ღირსების ორდენის კავალერი. საქართველოს ნაკრების მთავარ მწვრთნელად ოთხ თვის წინათ დაინიშნა.

"დნიპროს" ესპანელი მწვრთნელი კანკავას კლუბში აბრუნებს

დნეპროპეტროვსკის "დნიპროს" ესპანელი მწვრთნელი ხუანდო რამოსი კრივოი როგის "კრივბასიდან" იჯარის წესით განათხოვრებულ საქართველოს ეროვნული ნაკრების ნახევარმცველს ჯაბა კანკავას აბრუნებს. არადა, თავის დროზე, დნეპროპეტროვსკელთა ესპანელმა მწვრთნელმა კანკავა დუბლშემადგენლობაში გადაიყვანა და სხვა გუნდის მოძებნა ურჩია.

ქართველ ნახევარმცველმა ახალ სეზონში "კრივბასის" რიგებში შეიღ შეხვედრამი მოასწრო თამაში და ორი გოლი გაიტანა.

"დნიპროსში" კანკავას დაბრუნება კადრების მწვავე დეფიციტს უკავშირდება.

აქვე გეტყვით, რომ უკრაინულ კლუბს ხუთშაბათს საკუთარ მოედანზე ვეროპის ლიგის პლეი ოფის საპასუხო მატჩში ლიბერციის "სლოვანთან" უნევის შეხვედრა. ამ გუნდების პირველი მატჩი 2:2 დასრულდა.

და კიდევ, კანკავას გარდა, "დნიპროს" კიევის "არსენალიდან" ალექსანდრე კობახიძისა და გეორგი ფლორესკუს, ხოლო "შახტარიდან" მცველ არტიომ ფედუციკის დაბრუნების ვარიანტსაც განიხილავს. გარდა ამისა, კლუბი ახლოსაა ხელშეკრულება გააფორმოს "შახტარის" თავდამსხმელ ევგენი სელენიჩევიანაც.

ქინქლაძე ნანის ტრანსფერთან კავშირს უარყოფს

ამას წინათ უცხოურ მედიაში დაიწერა, რომ "მანჩესტერის" პორტუგალიელი შემტევის ნანის რუსულ "ზენიტში" გადასვლა გიორგი ქინქლაძეზე დამოკიდებულია. პოპულარული რუსული გამოცემის, "სპორტ ექსპრესისთვის" მიცემულ მცირე ინტერვიუში გიორგიმ ამ ტრანსფერთან კავშირი უარყო.

"უმჯობესია ამ საკითხზე "ზენიტის" ხელმძღვანელობას ელაპარაკოთ. ინგლისურ პრემიერლიგაზე ნამდვილად გასაკვიარი ზღვები, მაგრამ ნანისა და "ზენიტის" შემთხვევა მე არ მესება. თუმცა, ვფიქრობ, უახლოესი სამი დღის განმავლობაში ინგლისურ და რუსულ კლუბებს შორის არავითარი მსხვილი გარიგება არ მოხდება. რაიმე ხმაურიან ტრანსფერს უფრო ზამთარში უნდა ველოდოთ".

"მანჩესტერ იუნაიტედიდან" ყველაზე ძვირადღირებული ფეხბურთელი ნაიდა

"მანჩესტერ იუნაიტედის" კლუბის ისტორიაში ყველაზე ძვირადღირებული ფეხბურთელი ბულგარელი დიმიტარ ბერბატოვი უახლოეს მომავალში იტალიური "ფიორენტინას" მაისურს მორგებს. 31 წლის თავდამსხმელი კლუბთან ხელშეკრულების გასაფორმებლად ფლორენციოში იმყოფება.

ბერბატოვსა და "ფიორენტინას" შორის თანამშრომლობა ორ წელიწადს ითვალისწინებს პლუს ერთი წლისთა გახანგულდების შესაძლებლობით.

დიმიტარ ბერბატოვმა უკვე არაერთგზის განაცხადა, რომ "მანჩესტერ იუნაიტედიში" სათამაშო პრაქტიკის სიმცირის გამო თავს კომფორტულად ვერ გრძნობდა და კარიერის სხვა კლუბში გაგრძელებაზე ფიქრობდა.

პატოს სახელობის ტრავმა

იტალიურ გამოცემა Corriere della Sera-ს ინფორმაციით, "მილანის" ბრაზილიელ შემტევეს, ალექსანდრე პატოს, ფეხბურთის ისტორიაში შესვლის რეალური შანსი აქვს. იტალიელმა მედიკოსებმა გადანიშნეს, რომ ერთ-ერთ ტრავმას პატოს სახელი მინიჭდნენ. ძნელი მისახვედრი არ უნდა იყოს, რომ ეს ტრავმა ქრონიკულად ანუხებებს ალექსანდრეს.

სპეციალისტებმა დაითვალეს, რომ ტრავმების გამო პატოს კარიერაში უკვე 400-ზე მეტი დღე გაუტყდა. გაცდენების უმეტესობა კუნთის "საფორმო" დაჭიმვაზე მოდის.

"მილანი" ბენდტერის შეძენას გეგმავს

მას შემდეგ, რაც "მილანი" იბრაჰიმოვიჩმა და კასანომ დატოვეს, "როსონერის" მესვეურები ფორვარდის ძიებაში არიან. თუ ბრიტანულ მედიას დაუჯერებთ, მილანელმა დანიის ეროვნული ნაკრებისა და ლონდონის "არსენალის" ფორვარდზე, ნიკლას ბენდტერზე შეაჩერეს არჩევანი.

დანიელმა გასული სეზონი "სანდერლენდში" გაატარა და ახლა "არსენალში" დაბრუნდა. არსენ ვენგერი ბენდტერს არ ენდობა - ძირითადად არ ათამაშებს. ასე რომ, ხელმძღვანელობა ბენდტერთან დაკავშირებით ნებისმიერ წინადადებას განიხილავს.

ჩინური წარმატების საიდუმლო

ვასილ უღაბაშვილი

დასრულდა ოლიმპიური თამაშები და ისევე როგორც ოთხი წლის წინ, ყველაზე მეტი მედალი ჩინეთმა მოიგო. როგორ იქცა ჩინეთი სპორტულ "დერჟავად", რა არის ამის მთავარი მიზეზი? ვცადოთ, ამ კითხვას გავცეთ პასუხი.

სპორტის სტრუქტურა

1952 წელს ჰელსინკის ოლიმპიურ თამაშებზე სკანდალური ჩინური დებიუტიდან ოლიმპიურ თამაშებზე ჩინელი სპორტსმენების მეორე გამოჩენამდე მთელი 32 წელი გავიდა. 1952 წელს საერთაშორისო ოლიმპიურმა კომიტეტმა (სოკ) თავის რიგებში ტაივანიც მიიღო. ჩინელებს სწორედ ეს არ ესია ამოვნათ და ჰელსინკი დემონსტრაციულად დატოვეს. ამასთან ერთად, ჩინელებმა სოკ-იც დატოვეს.

ოლიმპიურ ოჯახში ჩინელების დაბრუნება წარმატებული გამოდგა. 1984 წელს, ლოს ანჯელესის ოლიმპიურ თამაშებზე, ჩინელსაც სოციალისტურმა ბანაკმა ბოიკოტი გამოუცხადა, არაოფიციალურ გუნდურ ჩათვლაში ჩინეთმა შეიჭრა ადგილი დაიკავა - მოიგო 15 ოქროს მედალი. ოთხი წლის შემდეგ, სეულში, ჩინეთის დელეგაცია ჩავარდა (სულ 5 ოქრო), ბარსელონაზე ადგილი გავიდა (16 ოქრო). მომდევნო ოლიმპიურ თამაშებზე ჩინელები სულ პროგრესირებდნენ: სიდნეი (28 ოქრო), ათენი (32), პეკინი (51 და მედალები რაოდენობით პირველი ადგილი).

ჩინელებისთვის ყველაზე წარმატებულ სახეობად ითვლება წყალში სტრია, სპორტული ტანვარჯიში, ძალოსნობა, ტყვიის სროლა და მაგიდის ჩოგბურთი. ოდნავ დათმეს პრიზივები ბადმინტონსა და ცურვაშიც. ყველაზე სუსტი სახეობა კი ველოსპორტია. ოლიმპიური თამაშების ისტორიაში ჩინელებს ველოსპორტში ჯერჯერობით არც ერთი მედალი არ მოუგიათ.

ისევე როგორც საქართველოსა და პოსტსაბჭოთა ქვეყნების დიდ ნაწილში, ჩინეთში სპორტზე პასუხისმგებელია ერთი უწყება - ფიზკულტურისა და სპორტის მთავარი სახელმწიფო სამმართველო. მისი დირექტორი, 60 წლის ლიუ პენი, განათლებით ინჟინერია. ის ჩინეთის კომუნისტური პარტიის ცენტრალური კომიტეტის წევრია და ამავე დროს ჩინეთის ოლიმპიურ კომიტეტსაც ხელმძღვანელობს.

პროფესიონალი სპორტსმენების მომზადება უმდაბლესი დონიდან - სპორტული ინტერნატებიდან იწყება. ამ ტიპის ინტერნატებით მოფენილია მთელი ჩინეთი. დღის პირველი ნაწილი ჩვეულებრივ სასკოლო პროგრამას ეთმობა, მეორე ნაწილი კი სპორტული ვარჯიშები იწყება. სპორტულ სკოლაში მოხვედრა ადვილი არ არის. აუცილებელია გარკვეული კონკურსის გავლა. არ გეგონოთ, რომ სპორტით მხოლოდ სპეციალიზებულ სკოლებში არიან დაკავებული. ჩვეულებრივ სკოლაში ბავშვი ირჩევს სპორტის რომელიმე სახეობას და ფიზკულტურის კაკეტითლებზე ამ სახეობაში ვარჯიშობს.

თუ ბავშვს აქვს მონაცემები, მას სპორტულ სკოლაში დიდხანს არავინ აჩერებს. სპორტული ინტერნატებიდან ბავშვი გადაჰყავთ პროვინციის სპორტულ ცენტრში. ასეთი ცენტრები მუშაობენ ორ ოლიმპიურ სახეობაზე. სპორტულ ცენტრებში შერჩევა ორ-სამ წელიწადში ერთხელ ტარდება. სპეციალისტები პროვინციაში არსებულ ყველა სპორტსკოლას მოივლიან და ნიჭიერი ბავშვები ცენტრებში გადაჰყავთ.

დამავგირგინებელი რგოლია დედაქალაქის ცენტრული სპორტული ცენტრი, რომელშიც მხოლოდ პროვინციის ჩემპიონები და ყველაზე ნიჭიერი სპორტსმენები ხვდებიან.

დამავგირგინებელი რგოლია დედაქალაქის ცენტრული სპორტული ცენტრი, რომელშიც მხოლოდ პროვინციის ჩემპიონები და ყველაზე ნიჭიერი სპორტსმენები ხვდებიან.



"სპორტსმენი ნომერი 137"-ს ყოველდღე ეუბნებოდნენ, რომ იმისთვისაა დაბადებული, რათა ქვეყნისთვის ოლიმპიური ოქრო მოიგოს

პარტია და იდეოლოგია

დევნი "სპორტი პოლიტიკის გარეშე" კარგა ხანია მხოლოდ ქალაქად არსებობს. ჩინეთში ეს განსაკუთრებით მძაფრად იგრძნობა. ჩინეთში სპორტის აღმავლობა სიდნეის ჩადგებული ოლიმპიური თამაშების შემდეგ დაიწყო. სიდნეური ფიასკო ჩინეთის პარტიულ ხელმძღვანელობას არ მოეწონა და შეიქმნა "პროექტი 119" (ეს მედალების კომპლექტის რაოდენობაა, რომელიც ოლიმპიურ თამაშებზე ცურვაში, მძლეოსნობაში, აფროსნობაში, ნიჩბოსნობასა და სხვა სახეობებში თამაშდება). ჩინელებმა სიდნეიში ამ 119 კომპლექტიდან მხოლოდ ერთი მედალი მოიგეს. ხელისუფლება ამ პროექტს სერიოზულად მოეკიდა. ერთ წელიწადში მოცურავეებმა ახალი გამოცდილი მწვრთნელი მიიღეს. სპორტსმენები და მწვრთნელები ფინანსურად დაინტერესდნენ. გადის კიდევ დაახლოებით ათი წელიწადი და აუზში ეი შივენიც გამოჩნდა.

ეი შივენი

ნათელი მაგალითია იმისა, თუ როგორ ამზადებენ ჩინეთში ოლიმპიურ ჩემპიონებს. სკოლის მასწავლებელმა ჩათვალა, რომ ამ გავონასკან კარგი მოცურავე გამოვიდოდა. მომავალი ჩემპიონი ჩვეულებრივი სკოლიდან გადაიყვანეს სპეციალიზებულ სპორტულ დანესებულებაში, სადაც ის ძირითადად ცურვით იყო დაკავებული და სხვა არავითარი საზრუნავი არ ჰქონდა. ეი შივენი დღეში თითქმის 16 საათს ვარჯიშობდა. ვარჯიშისგან მხოლოდ მაშინ ასვენებდნენ, როდესაც იმ აუზს ალაგებდნენ, რომელშიც გოგონა ვარჯიშობდა.

სპორტულ სკოლაში ეი შივენს სახელად კი არ ჰქონდა. მას იცნობდნენ როგორც "სპორტსმენი ნომერი 137". ყოველდღე ეუბნებოდნენ, რომ იმისთვისაა დაბადებული, რათა ქვეყნისთვის ოლიმპიური ოქრო მოიგოს.

11 წლის ასაკში შივენმა ახალგაზრდებს შორის ნაციონალური ჩემპიონატი მოიგო, 16 წლის ასაკში კი ორგზის ოლიმპიური ჩემპიონი გახდა. სამართლიანობა მოითხოვს ითქვას, რომ ლონდონის ოლიმპიურ თამაშებამდე ბოლო ერთი წლის განმავლობაში ეი შივენს ავსტრალიაში ამზადებდნენ.

ჩინეთის ხელისუფლებას სპორტზე ფულის დახარჯვა არ ენანება. სხვადასხვა ფედერაციებს, წლიური ბიუჯეტის სახით, 700 მილიონამდე დოლარი აქვთ გამოყოფილი.

კომპარტიის მონაწილეობა სპორტში მხოლოდ ფულის გამოყოფით როდი შემოიფარგლება. ოლიმპიური თამაშების დაწყების წინ ყველაზე მსხვილმა ჩინურმა სპორტულმა გაზეთმა ასეთი მითითება მიიღო: თუ თქვენ აკრიტიკებთ სპორტსმენტა მომზადების ჩვენურ სისტემას, ამით თქვენ აკრიტიკებთ რაიმეს დაწერდეთ, კარგად დაფიქრდით. კრიტიკა დღემდე არავის ესმის.

ჩინეთის მთავრობას არც სპორტსმენები უცრუებენ იმედს. მაგალითად, ძალისხანი იუ ცზინ-ბაო, რომელმაც ლონდონში ვერცხლის მედალი მოიგო, ოლიმპიური თამაშების შემდეგ ღია ეთერში ატირდა და ხელისუფლებას ბოდიში მოუხადა წარუმატებლობისთვის.

2011 წელს გამოკვლევებმა დაადგინეს, რომ 100 მილიონზე მეტი ჩინელი სიღარიბის ზღვარს მიღმა ცხოვრობს. ამიტომ სპორტი ჩინეთისთვის ერთგვარი სოციალური ლიფტია. სპორტში ფულის ჩადებით ჩინეთის ხელისუფლება ორ კურდღელს იჭერს: ოლიმპიურ მედალებსაც იხვეჭს და მოსახლეობის განწყობასაც აუმაჯობებს.

მწვრთნელები

კვალიფიციური მწვრთნელების ნაკლებობას ჩინეთში უცხოელი სპეციალისტების მინვევით არეგულირებენ. თუ ადგილობრივი მწვრთნელი მისხდა, რომ უცხოელისგან ევლარაფერს ისწავლის, მონვეულ სპეციალისტს მაშინვე შეუღვევიან.

2008 წელს სუნ იანმა ჩინეთს ცურვაში პირველი ოქრო მოაგვებინა. პეკინის ოლიმპიური თამაშების დასრულებისთანავე ის საცხოვრებლად გადაიყვანეს ავსტრალიაში, სადაც ცნობილი სპეციალისტთან, დენის კოტლერემთან ემზადებოდა. სუნ იანის მომზადებაზე ჩინეთის ხელისუფლებამ 1.57 მილიონი დოლარი დახარჯა.

სასპრიზოები

ოლიმპიური თამაშების დასრულების შემდეგ ჩინურ მედიაში ბევრს წერდნენ წყალში მტომელი ოლიმპიური ჩემპიონის ხუ ცზის თაობაზე, რომელიც წუნუნებდა, რომ ლონდონის ოლიმპიური თამაშების მოგებისთვის მიღებული ბონუსი პეკინში საცხოვრებელი ბინის საყიდლად საკმარისი არ არის. თუმცა, ჩინეთში დარწმუნებული არიან, რომ საჭირო თანხას ოლიმპიური ჩემპიონი მუნიციპალური სტიპენდებით და სპონსორებისგან მიიღებს. მაგალითისთვის 2008 წლის ოლიმპიური თამაშების ჩემპიონი სუსი ჩენიც კმარა, რომელმაც 3.4 (1 დოლარი დაახლოებით 6 იუს უდრის) მილიონი იენი სახელმწიფოსგან მიიღო, ადგილობრივმა სპონსორებმა კი ბინა და Audi Q7 უყიდეს.

ჩინელი სპორტსმენები გათავისუფლებული არიან გადასახადებისგან. ახლა კი გააცნობთ, რა საპრიზო თანხებს იღებდნენ ჩინელი სპორტსმენები ოლიმპიურ თამაშებზე.

ლოს ანჯელესი 1984

ოლიმპიური თამაშების ისტორიაში პირველი ჩინელი ოლიმპიური ჩემპიონია სიუ ხაიფენი, რომელსაც, საპრიზო თანხის სახით, 9000 იუანი მისცეს. ლოს ანჯელესის ოლიმპიური თამაშების დანარჩენ ჩინელ ჩემპიონებს, დაპირებისამებრ, 6000-6000 იუანი გადაუხადეს.

სეული 1988

სეულის ოლიმპიურ თამაშებზე ჩინელ ოლიმპიურ ჩემპიონებს 15 000 იუანს დაჰპირდნენ. ამ თანხით დაახლოებით 208 ყუთი თამბაქოს ყიდვა შეიძლებოდა, რაც საშუალო მწველს დაახლოებით 5 წლისა და 8 თვის განმავლობაში ეყოფოდა.

ბარსელონა 1992

სახელმწიფომ ბონუსი გაზარდა და ოლიმპიურ ჩემპიონებს უკვე 80 000 იუანს აძლევდნენ. ეს კი ჩინური საზომით არც ისე მცირე თანხაა.

ატლანტა 1996

იმხანად ჩინეთში ბევრს არ მოსწონდა, რომ სპორტსმენებს ოქროსთვის ფულს უზღიდნენ. ამის გამო ხელისუფლებამ დაძაბულობას თავი აარიდა და საპრიზო თანხა იგივე დატოვა. შედარებისთვის ვეტყვი, რომ ამ თანხით ოლიმპიურ ჩემპიონს 21 ფერადი ტელევიზორის ყიდვა შეიძლო.

სიდნეი 2000

ოლიმპიური ოქროსთვის უკვე 150 000 იუანს იხდიდნენ. იმ წელიწადს ჩინეთის კოლეჯში სწავლის საფასური წელიწადში 4 ათასი იუანი იყო.

2004 ათენი

პირველად ჩინური სპორტის ისტორიაში ხელისუფლებამ საპრიზო თანხა ვერცხლისა და ბრინჯაოს მედალებისთვისაც დაანესა. ოქროსთვის სპორტსმენს 200 000 იუანს აძლევდნენ, ვერცხლისთვის - 120 000-ს, ბრინჯაოსთვის - 80 000-ს. იმ დროს დიდი პოპულარობით სარგებლობდა კონდიციონერები. 200 000 იუანად ასი კონდიციონერის ყიდვა შეიძლებოდა.

პეკინი 2008

საშინაო ოლიმპიადისთვის ჩინეთში განსაკუთრებულად მოემზადნენ. ოქროსთვის სპორტსმენებს 350 000 იუანი მისცეს, ვერცხლისთვის - 210 000, ბრინჯაოსთვის - 140 000.

ლონდონი 2012

24 წლის განმავლობაში ჩინელი სპორტსმენების საპრიზო თანხა თითქმის 59-ჯერ გაიზარდა. აქვე ერთ დეტალზე უნდა გავამახვილოთ ყურადღება: 1984 წლიდან მოყოლებული დღემდე ადგილობრივი სახელმწიფო ფონდი ყველა ოლიმპიურ ჩემპიონს ერთ კილოგრამ ოქროს ჩუქნის (ღირებულება დაახლოებით 50 000 დოლარი).

კოკოშკოვი და ქართული ბრიფინგი



იგორ კოკოშკოვი თბილისში სამი თამაში მოიგო

პირველი გავრცელება

კოკოშკოვი ბოსნიასთან ნაკრების ისტორიაში ყველაზე სერიოზული მეოთხედი დატოვა. იმ, პირველ, 28:9 მოგებულ მეოთხედში, საქართველოს ნაკრები ამ საკვალიფიკაციოს "დრიმ თიმი" იყო. იმ კალათბურთით გადავხედით კრსტიჩის სერბებს და ერდენის თურქეთს. ის კალათბურთი იგორის აზროვნება და ლიდერების ლტოლვა, ქარიზმა, გამოცდილება იყო. ჰოლანდიაში დაფუძვნილი შეცდომები და შეცდომა ჰოლანდიასთან უნდა დაუშვა. ლატვიასთან და ბოსნიასთან რომ აღარ დაუშვა. იგორ კოკოშკოვი ბრიფინგზე საინტერესო თემებზე ისაუბრა.

1. ნაკრები აწყობილი მექანიზმია და თუ რომელიმე ნაწილი ფუჭდება, რაღაც მომენტში იმპროვიზაცია იწყება. ჰოლანდიასთან არ იყო სანიკიძე და ყველაფერი შეეცვალა. ვიქტორი ნაკრების ერთ-ერთი ლიდერია და, მონინალმდეგისგან განურჩევლად, გუნდი ძალიან ბევრს კარგავს.

2. ფაცაცია, ბოსია, მეტრეველი, ლეჟავა ნაკრებში იმ დატვირთვის იღებენ, რაც უნდა მიიღონ. ნაკრები არ არის რომელიმე კონკრეტული მოთამაშის პირადი პროექტი. ნაკრები ოჯახია და ყველა ერთმანეთს ეხმარება, ერთმანეთზე ზრუნავს.

3. ფაჩულია ჰოლანდიასთან ძალიან კარგი იყო. კაპიტანი, რომელსაც ყველა პატივს სცემს. "ყველაში" ვგულისხმობ როგორც საქართველოს, ისე სხვა ნაკრებების მოთამაშეებს. ზაზამ მაქსიმუმი გააკეთა. დანარჩენებმაც მაქსიმუმი გააკეთეს. ნავაგეთ. ხდება ხოლმე.

4. იგებენ მოთამაშეები, აგებს მწვრთნელი.

5. მე არ მაქვს უფლება ჩავერიო რომელიმე ჟურნალისტის საქმეში. უბრალოდ, გთხოვთ, რომ ნაკრებთან უფრო იმეგობრეთ, მეტი სიტბო, დადებითი ემოცია მოგვეცით. ჩვენ თქვენთვის მაქსიმუმს ვაკეთებთ. ვიცო, რომ ყველა მოთამაშე საქართველოზე, თქვენზე ფიქ-

რობს. ეს გახსოვდეთ. 6. ცქიტვიშვილი, ბოსია, გამყრელიძე კარგი, გამოცდილი მოთამაშეები არიან. უბრალოდ, ხანდახან ყველაფერი იცვლება და ეს ჩვეულებრივი, ნორმალური, აუცილებელი პროცესია.

7. თორნიკე შენგელია მეოთხე ნომერია. ვიკა სანიკიძე იტალიაში მეოთხე ნომერია. მეტრეველი მეოთხე ნომერია. ვლადიმერ ბოსია მეოთხე ნომერია. ცქიტვიშვილი მეოთხე ნომერია. ხანდახან გვინევს არჩევანის გაკეთება და ჩვენ ჩვენი არჩევანი ვაკეთებთ. ნაკრები შეიცვალა და იმედი მაქვს, ყველაფერი კარგად იქნება.

8. ნუ გიკვირთ, რომ, ძირითადად, შვიდი მოთამაშე იტვირთება. იგივე სიტუაციაა ბოსნიაში, სხვა სოლიდურ გუნდებში. ბოსნიაში ტელეტოვიჩი 40 წუთს დგას მოედანზე. ეს იმ ნაკრების პლუსი, აუცილებლობაა. ჩვენთან ყველა თავის დროს იღებს. თავის დროს არა მხოლოდ შესაძლებლობებიდან, ნაკრებისთვის მნიშვნელობიდან გამომდინარე. ერთმა მოთამაშემ 5 წუთში შეიძლება უფრო მეტი მოასწროს, ვიდრე სხვამ - 20-25 წუთში.

9. ნაკრებში არ უნდა იყოს 12 საუკეთესო მოთამაშე. ნაკრებში უნდა იყოს ის 12 მოთამაშე, რომელიც კონკრეტულ სიტუაციაში, კონკრეტულ ციკლში ერთმანეთს საუკეთესოდ შეაგებს.

10. ევროპაში კალათბურთის თითქმის ყველა თამაშობს. ორჯერ წააგო თურქეთმა და თურქეთი ბოლო მსოფლიოზე მეორე იყო. ისრაელმა ისრაელში ვერ მოიგო ესტონეთთან და გააჩერა სერბეთი. სერბეთს არ ჰყავდა მონტენეგროსთან კრსტიჩი და მონტენეგროს იმ თამაში წამოიღო. ხორვატიას აქვს პრობლემები ავსტრიასთან. საინტერესო ციკლია.

11. პირველი წრე 3 მოგებით და 1 ნაგებით დაეხურეთ. საკვალიფიკაციოს დაწყებამდე ვინმეს რომ ეს ვარიანტი შემოეთავაზებინა, თანახმა ვიქნებოდით.

12. რა არის ცუდი 3 მოგებასა და 1 ნაგებაში?

13. ჩვენთვის ნებისმიერი

შემდეგი თამაში ყველაზე მნიშვნელოვანია. ვემზადებით რუმინეთისთვის, რომელსაც არ ჰყავს ვარსკვლავები, მაგრამ გუნდურად კიქმნის პრობლემებს. ეს პრობლემები უნდა მოვაგვაროთ.

14. დაბალი ხუთეულით (ცინცაძე, მარკოშვილი, პულენი, სანიკიძე, ფაჩულია) თამაშს თავისი დადებითი მხარეები აქვს.

15. ჰოლანდიასთან, ერთ მომენტში, ხუთეულში ფაჩულია და შერმადინი იდგნენ. იმ სიტუაციიდან გამომდინარე, ეს საუკეთესო ვარიანტი იყო.

16. ყველა აქვს კრურწმენა. მოგებული თამაშის შემდეგ არ შევდივარ ბრიფინგზე და ჩემი თხოვნაა, ეს მიიღოთ. ბრიფინგზე მოდიან ნაკრების ლიდერები, ჩემი ასისტენტები და ყველა კითხვები კომპეტენტურ, თქვენთვის საინტერესო პასუხს მიიღებთ. არ მინდა წაგართვათ დრო ჩემს ასისტენტებზე საუბრით. უბრალოდ, კიდევ ერთხელ გეტყვით, რომ მათ ბოლომდე ვენდობი და ყველა რჩევას ვითვალისწინებ.

17. მინუს სანიკიძე ნიშნავს - მინუს ბევრს.

18. ბოსნიას თავისი პლუსები აქვს. მოქნილი, ათლეტური გუნდია. ტელეტოვიჩის გუნდი. ლატვიაში ყველა მაგარად ისვრის. საინტერესო და რთული მონინალმდეგეები გვყავს.

19. NBA-ს მწვრთნელი ევროპაში გარკვეულ დრომდე ვერ ჩამოდის და ეს ვერ შეიცვლება. საკვალიფიკაციოს დაწყებამდე ნაკრების ყველა წევრზე ამომწურავ ინფორმაციას ვიღებ. მანამდე მწვრთნელებთან, ფედერაციასთან ერთად ვეგეგმავთ მოსამზადებელ ციკლს და ყველაფერი მშვენივრად მიდის.

20. შეცდომა ყველას მოსდის. როგორც თქვენი მეგობარი, გირჩევთ, დაინახეთ პოზიტივი და ნეგატივს ჩვენ მივხედოთ, გამოვასწორობთ.

21. გისურვებთ ბევრ დადებით ემოციას და ნაკრების წარმატებულ თამაშს, ბევრ მოგებას და პროფესიულ წინსვლას. იმედი მაქვს, ჩვენი საუბარი სლოვენიაში გაგრძელდება.

იგორ კოკოშკოვი ძალიან კარგი პერსონაა. რაღაც თვალსაზრისით, ჩვენთვის ზედმეტად კარგიც. ზედმეტად მონესრიგებული და არაქართველი. აი, აქ უკვე ვიჭედებით. მონესრიგებულ არაქართველებთან საუბარი სტანდარტული ქართველისთვის ცოტა ძნელია.

ალბათ, ძნელია, რომ ჟურნალისტმა ბრიფინგზე მოზილური ტელეფონი უნდა გამოართოს.

ალბათ, ძალიან ძნელია, რომ მთავარი მწვრთნელის საუბრის დროს ჟურნალისტმა ვილაყვას არ დაუყვიროს, "მაიცრა, შე ჩემბა, ხო გითხარი ტო, არ მცალია-მეთქი?!" ძნელია ბრიფინგზე მომზადებული მისვლა.

ძნელი და უხერხულია, თუ ინგლისური არ გესმის და როდესაც კოკოშკოვის ასისტენტი, კოტე ტულუში, იგორის პასუხის თარგმანს იწყებს, კი, კი, გავიგეთ, შემდეგი კითხვაა, ამბობ. და შემდეგი კითხვაა ნინა კითხვის პასუხია.

ძალიან ძნელია ბრიფინგის ორგანიზატორისთვის, როდესაც მწვრთნელის საუბრის დროს ერთბაშად სამი მოზილური რეკავს.

ალბათ, ძნელი და არაქართულია ნაგების შემდეგ მწვრთნელს წინა სამი მოგებისთვის მადლობა გადაუხადო. რა პონტში უნდა გადავუხადოთ რო? ხო წააგო და?.. ძნელია. კოკოშკოვის ინტელექტი ფაცაციას ჩაგდებულ სამიანში, მეტრეველის 6 მოხსნაში, ლეჟავას ლამაზ პასში, შერმადინის დაუღლელად დაღლაში და ნაკრების პოტენციალის იდეალურად გამოყენებაში ჩანს.

იგორმა არ აიღო რამდენიმე წუთშესვენება და ეს მისი საქმეა. არ უნდოდა, არ ჩათვალა საჭიროდ და არ აიღო. ამის გაგებაც ძნელია, ხო?

წუთშესვენება ჩვენც ავიღოთ. ზედმეტი და ზედმეტად ქართული კითხვებისგან.

კომპლიმენტები ნაკრებს. რუმინეთთან მოგებამდე დავისვენოთ. ჩვენც დალილები ვართ.

EURO 2013

სტატისტიკის ლიდერები

ქულა

- ჩარლზ დევისი (აზერბაიჯანი).....27.0
- მირზა ტელეტოვიჩი (ბოსნია).....26.3
- პეტერი კოპონენი (ფინეთი).....22.8
- ანტონ გაველი (სლოვაკეთი).....22.2
- ჯორდან ჟერბეკო (შვეიცარია)20.0
- ნიჰად დედოვიჩი (ბოსნია).....20.0
- ადამ ჰანგა (უნგრეთი)19.8
- იონ სტეფანსონი (ისლანდია).....19.6
- ზაზა ფაჩულია (საქართველო)19.0**
- ჰენკ ნორელი (ჰოლანდია).....18.0
- რაშიდ მაჰალბაჟიჩი (ავსტრია).....18.0
- ომრი კასპი (ისრაელი)17.8
- ვლად მოლდოვეანუ (რუმინეთი).....17.3
- ბოიან ბოგდანოვიჩი (ხორვატია).....16.8
- მანუჩარ მარკოშვილი (საქართველო).....16.3**
- კრისტიან კანგური (ესტონეთი)16.2
- სუად სეჰოვიჩი (მონტენეგრო).....16.2
- მარჩინ გორტატი (პოლონეთი).....16.0
- დევიდ იასენი (ჰოლანდია)16.0
- ჯეიკობ პულენი (საქართველო).....16.0**

მოხსნა

- ორჰან ჰაჩიევა (აზერბაიჯანი).....10.3
- მარჩინ გორტატი (პოლონეთი).....9.8
- ენტონ კინგი (კვიპროსი).....8.8
- ვიქტორ სანიკიძე (საქართველო)8.7
- ზაზა ფაჩულია (საქართველო)8.3**
- ზაკარი რაიტი (ბოსნია)8.3
- ჰლინურ ბაერინგსონი (ისლანდია)8.2
- დანილო გალინარი (იტალია)8.0
- ვლად მოლდოვეანუ (რუმინეთი).....7.8
- ტიბორ პლაისი (გერმანია)7.8
- თორნიკე შენგელია (საქართველო)7.3**

პასი

- ზაკარი რაიტი (ბოსნია)8.0**
- ტომას სატორანსკი (ჩეხეთი).....7.0
- სტენ სოკი (ესტონეთი).....6.2
- კენი გრანტი (შვედეთი)6.0
- ალექსანდრ კუდრიავცევი (ბელარუსი).....5.8
- ანტონ გაველი (სლოვაკეთი).....5.4
- ლუკაშ კოშარევი (პოლონეთი)5.3
- მილოშ ტეოდოშიჩი (სერბეთი)5.0
- ჰაიკო შაფარტსიკი (გერმანია).....5.0
- სტენ ვან როსომი (ჰოლანდია).....5.0
- პეტერი კოპონენი (ფინეთი).....5.0
- ემირ პრელდჟიჩი (თურქეთი)5.0
- გიორგი ცინცაძე (საქართველო)4.8**

ჩაჭრა

- მანუჩარ მარკოშვილი (საქართველო).....4.0**
- იანის შტრელნიეკსი (ლატვია).....3.0
- ჟოაო სანტოში (პორტუგალია).....3.0
- ადამ ჰანგა (უნგრეთი)2.8
- გიორგი ცინცაძე (საქართველო)2.5**
- კრისტოფერ რაზისი (კვიპროსი).....2.5
- ჩარლზ დევისი (აზერბაიჯანი).....2.3
- პეტერი კოპონენი (ფინეთი).....2.3
- ტუშუკა კოტი (ფინეთი).....2.3
- ჟაიმე სილვა (პორტუგალია).....2.0
- გერტი შიმა (ალბანეთი).....2.0
- რამიზ ბაშაქი (აზერბაიჯანი)2.0
- კრისტოფერ ჯოუნსი (ლუქსემბურგი)2.0
- დარდან ბერიშა (პოლონეთი).....2.0

დაფარება

- ვიაჩესლავ კრავცოვი (უკრაინა)3.3**
- მარჩინ გორტატი (პოლონეთი).....2.3
- მარკუს კაზენი (იტალია).....2.0
- სემიზ ერდენი (თურქეთი).....2.0
- ლიორ ელიაჰუ (ისრაელი).....1.8
- კასპარს ბერზინსი (ლატვია).....1.8
- ალექსანდრ ტაიუსი (ისრაელი).....1.6
- ნიკოლაი ვარბანოვი (ბულგარეთი).....1.6
- იოაკიმ შელბომი (შვედეთი)1.5
- არტიომ პარახუსკი (ბელარუსი)1.5
- გიორგი შერმადინი (საქართველო).....1.5**
- თორნიკე შენგელია (საქართველო)1.0**



ტელეტოვიჩი ქულებში მეორეა

მესი VS რონალდუ

ვასილ უღვაძეძე

2011-12 წლების საფეხბურთო სეზონი ბევრისთვის ლიონელ მესისა და კრიშტიანუ რონალდუს დაპირისპირების სეზონად იქცა. დაიწყო 2012-13 წლების სეზონი და ისევ ალაპარაკდნენ ამ ორი სუპერფეხბურთელის დუელზე. არ შეეცდები, თუ ვიტყვი, რომ რონალდუსა და მესის ახალი დაპირისპირება უფრო საინტერესოა, ვიდრე გასული სეზონის. ამ შედეგებზე რამდენიმე კითხვაზე უნდა გავცეს პასუხი.

რომელი მათგანი გაიტანს მეტ გოლს. მოახერხებს თუ არა რონალდუ მესისთვის "ოქროს ბურთის" წარმეცას ("ოქროს ბურთი" გასული სეზონის შედეგებიდან გამომდინარე გადაეცემა ფეხბურთელს, მაგრამ თავად ჯილდო ხომ ამ სეზონში გათამაშდება). შეძლებს თუ არა "რეალი" ესპანეთის ჩემპიონის ტიტულის დაცვას, თუ "ბარსელონა" დაიბრუნებს ჩემპიონობას (ესეც ხომ ამ ორი გენიალური ფეხბურთელის დაპირისპირებაზე დამოკიდებული).

50 გოლს ორივე გაიტანს

გერავინ იტყვის, რომ ეს ზედმეტად თამამი პროგნოზია. რონალდუც და მესიც შეძლებენ 50-გოლიანი ბარიერის გადალახვას (იგულისხმება ყველა ის ტურნირი, რომელშიც ფეხბურთელები ითამაშებენ). გასულ სეზონში მესიმ 73 გოლი გაიტანა, რონალდუმ - 60. რა უნდა მოხდეს ახლა, რომ 50-ზე ნაკლები გაიტანონ. "ბარსელონას" და "რეალს" საკმარისზე მეტი თამაში აქვთ. ასე რომ, ეს ორი გოლეადორი თავს არ შეირცხვენ. ნუ დაგავიწყდებათ, რომ ორივე ესპანური გრანდი შემტევი ფეხბურთის მიმდევარია.

მესი ისევ მოიგებს პიჩის ტიტულს

ესპანური გაზეთი "მარკა" პრიმერას საუკეთესო ბომბარდირს ყოველწლიურად გადასცემს პიჩის ტიტულს. გასული სეზონის შედეგებით ეს ჯილდო მესიმ მოიგო და, სავარაუდოდ, არგენტინელი პიჩისის წოდებას შეინარჩუნებს. საქმე ის არის, რომ მესი "ბარსაში" ისეთ პოზიციაზე თამაშობს, თავისთავად უფრო მეტი გოლი უნდა გაიტანოს, ვიდრე რონალდუმ. სეზონის დასაწყისი ამის ნათელი დასტურია. ესპანური პრიმერას ორ ტურში მესიმ უკვე ოთხი გოლი გაიტანა.

"ბარსა" ჩემპიონის ტიტულს დაიბრუნებს

გასულ სეზონში "რეალმა" ესპანეთის ჩემპიონის ტიტული მოიგო. ჩემპიონობისთვის ბრძოლაში "რეალმა" სწორედ "ბარსას" აჯობა. პეპ გვარდიოლას უკანასკნელი სეზონი კატალონიურ გრანდში წარუმატებელი გამოდგა. მხოლოდ ესპანეთის თასის მოგება "ბარსასთვის" ძალიან ცოტაა.

გასულ სეზონში ჟოზე მოურინიოს "რეალმა" არაერთი რეკორდი დაამსო, მაგრამ შეძლებს კი "სამეფო კლუბი" შედეგის გამეორებას? საეჭვოა. საქმე ის არის, რომ გასული სეზონისგან განსხვავებით, "ბარსელონაში" ცვლილებებია. გუნდის ორი ქრესტომათიული ლიდერი ჩავიდა პუიოლი კვლავ ადგილზე იქნებიან. ამას დაუმატეთ საოცარ ფორმაში მყოფი ანდრეს ინიესტა, რომელმაც ევროპის ჩემპიონატზე საუცხოო ფეხბურთი აჩვენა. ისიც გასათვალისწინებელია, რომ "ბარსას" დაუბრუნდა დავიდ ვილია, რომელმაც გასული სეზონი ტრაგედიის გამო გამოტოვა. და კიდევ ერთი ფაქტორი. ზაფხულის სატრანსფერო პერიოდში "ბარსელონამ" ხორდი ალბა და ალექს სონგი შეიძინა, "რეალი" კი მხოლოდ ლუკა მოდრიჩით გაძლიერდა. მაგრამ თუ გავითვალისწინებთ, რომ "სამეფო კლუბში" მესუსთ იოზილი თამაშობს, მოდრიჩი, დიდი ალბათობით, სათადარიგოთა სკამის



მესი და რონალდუ

ბინადარი იქნება. ასე რომ, მიმდინარე სეზონის მთავარი ფავორიტი, წესით, "ბარსელონა" უნდა იყოს.

ჩემპიონთა ლიგის ფინალში "ბარსა" და "რეალი" ითამაშებენ

გასულ სეზონში ევროპულ ასპარეზზე ორივე გუნდი ჩავარდა. ესპანური გრანდები ჩემპიონთა ლიგის ნახევარფინალამდე მივიდნენ, ფინალში გასვლა კი ვეღარ შეძლეს. გასულ სეზონში ყველა მოუთმენლად ელოდა ჩემპიონთა ლიგის ფინალში "სუპერკლასიკოს", მაგრამ "ბარსამ" და "რეალმა" იმედი გაგვიცრუს.

მოდებდა თუ არა ეს ამჯერად? რატომაც არა. ისევე როგორც გასულ სეზონში, "ბარსელონას" და "რეალს" ევროპულ გრანდებს შორის ყველაზე კარგი შემადგენლობა ჰყავთ. "ბარსელონა" და "რეალი" მსოფლიოს საუკეთესო ორ კლუბად ითვლება. შესაძლოა, ორივე

კლუბისთვის მთავარი პრიორიტეტი ჩემპიონთა ლიგა იყოს. "რეალისთვის" პრიორიტეტი მართლაც ჩემპიონთა ლიგა იქნება. ლა ლიგის მოგების შემდეგ მოურიზი თავის შეგირდებს სწორედ ჩემპიონთა ლიგაზე დაგეგმავს.

ცხადია, "რეალს" და "ბარსელონას" კონკურენტები ეყოლებათ. "ბაიერნი" არ დასუსტებულა, გაძლიერდა "მანჩესტერის" - ამ გუნდმა ხომ რობინ ვან პერსი შეიძინა. ჩამოსანერი არც ჩემპიონთა ლიგის ახლანდელი გამარჯვებული "ჩელსია". საფეხბურთო ავანსცენაზე ფრანგული ჰსუ-ც გამოჩნდა. ამ გუნდს ფული საკმაოდ აქვს და ამბიციებიც მოეძალა. რა თქმა უნდა, ევროპული წარმატებისთვის იბრძოლებს "სიტიც". იტალიურ გუნდებზე საუბარი ძნელია. "მილანი" აშკარად დასუსტდა. გაძლიერებით მაინცდამაინც არც "ინტერი" გაძლიერებულია. მესაძლოა, ჩემპიონთა ლიგაზე "იუვენტუსმა" გაისროლოს, თუმცა, "რეალი" და "ბარსელონა" სხვა განზომილებაში არიან. ეს ორი გუნდი მეტოქეებზე მაღლა დგას და თუ წილისყრამ ისინი ფინალამდე

არ შეახვედრა ერთმანეთს, იქნებ ჩემპიონთა ლიგის ფინალში ნანატრი "კლასიკო" ვიხილოთ.

"ოქროს ბურთი" მოიგებს...

კრიშტიანუ რონალდუ. დიას, ლიონელ მესიმ გასული სეზონი 73 გოლით დაასრულა და ყველა დროის საკლუბო რეკორდი დაამყარა, მაგრამ საკმარისია ეს "ოქროს ბურთის" მოსაგებად?

მესიმ "ბარსელონასთან" ერთად მხოლოდ ესპანეთის "სამეფო თასი" მოიგო. ეს კი დიდი არაფერი ტიტულია. შეიძლება ითქვას, რომ ლიონელმა სეზონი უტიტულოდ დაასრულა. ამ ვითარებაში მისთვის "ოქროს ბურთის" მიცემა ალბათ ზედმეტი იქნებოდა.

რაც შეეხება კრიშტიანუ რონალდუს, პორტუგალიელმა "რეალთან" ერთად ესპანეთის ჩემპიონის ტიტული მოიგო. თანაც, სწორედ რონალდუ იყო ამ წარმატების სულისჩამდგმელი. რონალდუმ ევრო 2012-ზეც ნორმალურად ითამაშა, თუმცა, ნახევარფინალში მაინც დამარცხდა. პორტუგალიის ნაკრები ევრო 2012-ის ფინალში რომ გასულიყო, რონალდუს "ოქროს ბურთი" გარანტირებული ექნებოდა, მაგრამ...

თუ არჩევანი მხოლოდ რონალდუსა და მესის შორის კეთდება, მაშინ, მოგებულ ტიტულებიდან გამომდინარე, "ოქროს ბურთი" აუცილებლად პორტუგალიელმა უნდა მოიგოს, მაგრამ მსოფლიოს საუკეთესო ფეხბურთელის ტიტულისთვის ბრძოლაში მხოლოდ ეს ორი ფეხბურთელი როდი მონაწილეობს. აქ სცენაზე გამოდის ანდრეს ინიესტა, რომელმაც ევროპის პირველობაზე ფურორი მოახდინა. მან ევრო 2012-ის საუკეთესო ფეხბურთელის ტიტული მოიგო და რატომ არ შეიძლება, რომ "ოქროს ბურთიც" მას გადაეცეს? ბოლოს და ბოლოს, ფეხბურთის მხოლოდ რონალდუ და მესი ხომ არ თამაშობენ? ინიესტა ევროპის ჩემპიონი გახდა. ევროპის ჩემპიონის ტიტული მოიგო აგრეთვე კასილასმა, რომელიც, შესაძლოა, ინიესტასა და ჩვენ მიერ ნახსენებ ორ გენისოზე ნაკლებად არ იმსახურებს ამ ჯილდოს.

გამომცემლობა ინტელექტი

გთავაზობთ

ერთი შედეგის ყველა ქართული თარგმანი

მსოფლიო კლასიკოსები და ქართველი მთარგმნელები შედეგების თარგმნის უწყვეტი ტრადიცია



ადვანიტი



მკაერის ლამულის სიმღერა



უილიამ შექსპირი



მკაერის ლამულის სიმღერა



მკაერის ლამულის სიმღერა



მკაერის ლამულის სიმღერა



ედგარ ალან პო



მკაერის ლამულის სიმღერა

დაგვიკავშირდით:

თბილისი, ილია ჭავჭავაძის გამზ. N5
 ტელ: (+995 32) 2 25 05 22
 (+995 32) 2 47 55 54
 intelekti@caucasus.net
 info@intelekti.ge
 www.intelekti.ge

www.intelekti.ge